

越縵堂日記

第二十五冊

桃花聖解會日記丁集第二集



光緒二年丙子夏四月壬戌朔晨散露旋晴有風

潘星齋丈來

王子裳來

子獻來

高仲瀛駢麟

來仁和姚棫卿孝廉樞來

得子鎮書

初二日癸亥晴

閱華亭倪思寬二初齋讀書記思寬原名地球字

存未乾隆時恩貢生見知於學政雷翠峯嘗與戴東原交所著

尚有經籍錄要十二卷文選音義訂正二初齋詩文集此書共十卷

尚有沈既堂業富序其書多攷據經義間及古人詩賦雖未為博

實而實事求是亦漢學之有根柢者 作書致子裳偕洪氏筠軒

文鈔

富單約羊萃楹高仲瀛秦焯伊彥清子裳發甫仲彝諸君

明晚飲福興居 得謝夢漁書約後日飲 芳庭來 雲門來

仲彝來子縝來借諸君賜談夜飯後至二鼓時去 是日即結局送

來將月公費銀十九兩六錢又託收莊轉借銀二十兩其息三分 得

子裳復夜客去後閱洪筠軒文鈔共四卷皆攷據之文并有嘉慶

十一年六月孫氏星衍序

邸鈔

詔初五日親詣 大高殿及時應宮祈雨覺生寺等仍分遣諸王

初三日甲子晨發霽上午薄暝下午霽 得伯寅書贈所刻

叢書兩部即復謝 得致夫書即復 鬢頭 孺初來

是日緋桃襪豔尤絕薄余冒之媚不自勝客去後衰回花下賦

高仲瀛讀甘菊雨叢書一扇

清平樂一闋 傍晚詣福興居邀諸君飲夜三更時復詣飲

凌家子鎮招桐子彈琵琶四鼓時歸是日付焯酒錢四十千

福工食錢十千夏夫七千陳媪五千廚食錢二千岩福零帳錢

八千五百順兒二千福興下賞四千紗羣錢六千高氏使二千

邱鈔編修逢潤古授廣東高州知府陝西候補知府林士班

授漢中府知府

原任高州府鉅中校漢中府劉登告

初四日巳丑晴下午有風 夢漁再作片催飲宴賓齋上午赴之

歸 得星齋丈書 得錢筮仙書 下午詣星丈紱丈久談詣陶

然亭赴羊辛楮之約到者十人子鎮雲門林伊致甫子裳仲彝彥

清皆在杭人特多跳叫不可堪酒甫行即命駕而歸 程同年

北秀星屏入畫日已 下集第... 越縵堂雜著

咸焯來孫鏡江來俱不值 倚晚清陰微風坐花下飲茶數子

鎮雲門來遊邀之並坐夜飯後去 謝惺齋約明日夜飲辭之

得星丈書 是日得七律一首五古一首

夏初偕子鎮雲門王子裳王致甫工部考成 楊定勇舍人晨羊

敦叔刑部復禮小集陶然亭

漢家城闕對郊壇佳氣蔥蘢隱几看平野暖風翻綠葦遠

山晴翠落朱闌時清想見官曹樂亭為康熙間工部藻督共去

常知聚會難猶是江亭觴詠地夕陽芳草滿長安黑靈廟時所構有詩刻石

歸自城南晚坐花下子鎮雲門見過欣然有作

出門意不通巾車命行還我居一畝宮竹樹殊清閑禮花殿

餘春新葉嬌晴鮮脫帽坐籬下呼僮候茶烟開徑望三仲日
夕聞款關山居幾兩度點破蒼苔素心良不易清談有餘
懽空庭生暝色碧雲依遠天徙倚晚柯下惜此須臾間

清平樂 緋桃晚芳穠豔殆絕以此寫之

畫簾低照一樹緋桃笑澹豔明妝臨薄曉占得春陰多少
臨風獨倚朱闌晚來猶怯微寒第一內家鬢影簪花儘與人
看

初五日西窗晴 紱文來 作片致孫鏡江得復 閱經義

述聞 比日頗疲乏連夕疾動 付藥枝雜花錢六千

初六日丁卯晨至午晴午後晴霽相間傍晚有雷風小雨是日

北... 卷... 越縵堂雜著

鬱熱特甚 午詣長椿寺會同年合請劉鶴山師孫鏡江王其

事人率醵錢十六十李若農師之弟孝廉文同亦至晡時椒荈

拜鐘仲蘇季士周謝惺齋而歸付車錢十十 得孫仲容

書屬書扇 楊蓉袖舍人晨來同邑顧孝廉家相來楊翰

臣孝廉來均不值 得子鍊書

初七日戊辰曜 周鄂友孝廉來 牧莊來 寫單約鮑敦夫

江敬所潘孺初韓達軒諸君後日小飲 得敦夫書約明日劇

飲作片辭之 得子鍊書并近詞及雲門近詞一閱即復

盛伯希來不晤 何夫約後日晚飯 夜閱洪筠軒文鈔其文

共四十首已刻入詒經精舍文集者三之一又論說文與叔子百異書

一首有目無文其漢淮陽置郡攷序沱河攷與宋德輝書條錄

夏小正十七事

德輝名咸熙仁和人助
柱大樽字子官教錄

與季子潤功書論漢之亭制補日

知錄所未備攷據皆極精覈

邸鈔

上諭前據岑毓英奏雲南總兵等缺未便久懸應否開缺另補請

旨辦理當降旨命兵部議奏茲據該部查明議覆雲南督標右

營游擊王東發久未任滇亦未請假實屬擅離汛守著照部議即

行革職總兵李家福于同治十二年因病離任回湖南原籍就醫是

否病尚未痊抑或逗畱何處著王文韶查明據實具奏總兵楊盛宗

前因進京陛見交卸何以率回巧家廳原籍且時閱兩年並未到京

究在何處逗留副將吳奇忠等四員均於同治十二年請假修墓就醫
久未回滇著劉長佑查明各情形分晰據實具奏昭通鎮總兵李家
福騰越鎮總兵楊盛宗督標中軍副將吳奇忠東川營參將王維金鎮
雄營參將李文才督標左營游擊金仕耀均著先行開缺至該管總
督暨提鎮各官於壇離汛守者並不隨時奏參其請假各員既擅行
始假准其離任於前又不照例開缺揭參於後殊屬姑容著劉長佑
查取該管兼轄統轄提鎮及原准給假之總督各職名請旨交該部
分別議處

以張從龍為雲南騰越鎮總兵鄧有德為昭通鎮總兵

刑部左侍郎黃钰奏病久未痊懇請開缺調理 許之

黃钰著原休官人張豐
張五甲王進士尚書房翰林

初八日己巳晴露發黷傷晚露合去風晚漸開霽 補撰前日

極樂寺看海棠記案附再冊日記之末 聞袁小午調刑左殿譜

經調戶左徐陰軒調吏右伯寅補禮右鶴山師當可得開學或

大理矣 張硃氏來 胡光甫約明晚飲福興居辭之 作書

致牧莊作片致子萼俱約後日飲廣和居 強甫再速觀劇作

片辭之 湖南同年毛編修松年以今日受吊送奠分四十 此是字孝 卿長沙人

辛未庶常去年上考以病不赴今年二月十日保和殿補試奉三無秋賦 命景壽黃廷 閱卷 詔附入二等以三月七日暴卒聞其前日尚醪飲宴賓齋也年四十七亦可異矣

邸鈔 夜有雷雨

以刑部左侍郎袁保恒調補刑部左侍郎以吏部右侍郎殷兆鏞調

補戶部左侍郎兼管三庫事務以禮部右侍郎徐桐調補吏部右

侍郎以大理寺卿潘祖蔭為禮部右侍郎仍兼署刑部右侍郎

紹 浙江布政使盧定敷留京另候簡用以安徽按察使衛榮光河南新鄉人

子翰 為浙江布政使以四川成龍潼縣茂兵備道謝膺禧順天大興人 為安

徽按察使以前甘肅按察使楊能格漢軍正紅旗人兩中翰林 為成龍潼縣茂道

護理四川總督布政使文格奏參署樂志縣知縣王志崇作事荒謬習

氣太深侵虧正款銀七千二百餘兩署溫江縣知縣李光廷狡詐無行聲名

惡劣侵虧正款銀六千六百餘兩均請革職永不叙用勒限兩月嚴追完

解署梁山縣知縣試用同知沈德浩行止卑污聽斷乖謬署金堂縣知

縣試用通判王椿操守不謹公事廢弛興文縣知縣徐顯清才庸性執

操守平常及南部縣縣丞丁如松射洪縣教諭傅良佐中江縣教諭邱大

成大甯縣訓導張炳謙等九人均請即行革職隴縣訓導馮三聘等二人年力就衰均請勒令休致 從之

初九日庚午晨露上午澹晴下午埃簷鬱悶多雲 買夾竹桃

兩盆月季石榴花兩盆夾竹桃亦雅所謂姚弋即詩之蒼楚也月季石榴花葉皆與安石榴殊又無實不知於古何名也 作書致朱西泉

饋以高麗蔞四枝鹿脯一方以西泉明日赴 係和殿補覆試也今年舉人不及覆試者不過十數人會試尚御史吳鴻恩疏請援上科例先准會試後再補覆試 詔不許 孫子授學士復疏請加 恩寒士止

令覆試 詔下禮部議得請以是月初十日補覆一試蓋此事於西

泉為尤幸西泉窮苦久瘵後之入都甚難又除辛未本科不計外至

下科丁丑已滿三科過此則永不准覆試矣子授與西泉皆錢唐人所
請亦或有為也 得西泉復 子鎮仲彝雲門來彥清來晚同
赴官夫之招二更時歸

初十日辛未晴晨及上午有清風頗涼 閱白虎通疏證 作片致

謝惺齋 鬢頭 付買零錢二十五千 牧莊來鮑致夫來

晚偕兩君及梅卿詣廣和居邀傅子尊張子虞杜小豐屠子疇韓
達軒飲至三更後歸

十一日壬申晨晴上午教霽午後霽多風晚姓 得嚴菊泉師三月

八日書行寄還請封銀 得孫生子宜二月朔日書行寄懷詩七律

兩章 午舟出門答客數家即出廣甯門至天甯寺偕梅卿沐

伊仲彝子鎮彥清雲門鼎有為夢向醵飲於山上塔臥山房牡丹
正開紫藤半落矣是日游客甚稀禪房畫宇綠陰菴藹清風麗
然編行殿廡園圃間頗有塵外之賞倘晚而歸付車錢七千

得王子獻書即復 子鎮招夜飲雁僕家聽琴作片辭之 孺初
來夜談 是日付二月三月賃屋銀八兩

十二日癸酉午正一刻十四分立夏四月甲子 縣先世神位圖以薦

新 子鎮來雲門來共作手談 紱丈來 是日報春楊紅錄子

鎮及朱若生袁爽焮皆得雋紹興公車共百四十餘人僅中三人會稽

得二人其一顧家相中第六 上座元管作 買艸花名紅繡球者兩本香紫茸者

一本付錢三千 雲門招晚飲廣和居辭之 夜月甚佳雲門

來談

邸鈔

詔十六日親詣大高殿及昭顯廟禱雨覺生寺等仍分遣諸王

十三日甲戌霽晴驟驟終日多睡倚晚坐庭下閱唐兩京城坊攷

邸鈔駐藏幫辦大臣希凱奏請因病開缺回旗許之

以通政使司通政使桂豐滿州加副都統銜為駐藏幫辦大臣

翰林院侍講學士銓林轉補侍讀學士以左春坊左庶子崇勳為侍講

學士

十四日乙亥震薄晴上午後多霽晴後霽霽是日取試卷出為

第十八房長沙陳編修理泰所薦評經策冠場而主考蔡尚書評額

溢見遺蓋得卷已遲也 為孫仲容王子獻書扇即作書分致兩

君 謝夢漁來 張映民來 作片致子鎮薦僕人張林 潘

鳳洲來 子尊來 得子鎮復 閱毛西河經問晚涼有風

坐庭下讀書頗自得也

邱鈔理藩院郎中奎綬授江西建昌府知府

十五日丙子晨露散有曦景上午露午散晴旋有小雨下午露有

大風 早起步庭下讀書雲日清怡花竹間索悠然獨會樂不可

言 江敬所來王荅舫先生來殷萼庭來均不晤 王子獻來

晚漱雨入夜

邱鈔署湖廣總督湖北巡撫翁同爵奏甄劾平庸不職各員武昌

縣知縣張吳黃梅縣知縣覃瀚元均以府經歷縣丞降補鍾祥縣知縣鄭
燁林天門縣知縣傅詩均原品休致廣濟縣知縣李裕後監利縣知縣謝
家蘭均以簡缺改補興國州知州燕永烈通城縣知縣陳維模蘄水縣知
縣徐兆英京山縣知縣張金澗石首縣知縣雷登蟾均闕缺酌量補用
從之

上諭文煜等奏劣員侵吞工費請革職追辦一摺花翎福建補用道遇
缺即補知府凌定國經管建造臺灣安平口三鯤身礙臺贍敢任意
侵蝕現經查出浮冒各款已有一萬四千餘兩之多實屬貪劣著即
革職嚴訊究追

十六日丁丑晴

得孫仲容書

為王彼夫扇面書前日極樂寺

看海棠記又為楊蓉初書扇即作書致張夫 為孺初書扇

孺初來 得張夫復 作書致牧莊 得江敬所書

十七日戊寅醒熱有風 作致史寶卿書致秦澹如書致陳訐

堂師書 牧莊來子練來仲彝來張夫來雲門來子尊來

作片致王芝仙饋以磨菌芥頭作片致屠子疇饋以杏人芥頭

子疇來 得子獻復 在人定時有大風仲彝子練雲門張

夫先去子尊牧莊後散 始買勺藥花為瓶供

十六日己卯醒熱甚 作致季弟書致沈曉湖書 作書致朱

西泉贈以二金為行資行託附寄秦陳兩公書亦欲為西泉道地也

作片致屠子疇以家書及史沈兩君書託附去行寄寶卿洵喜

齋叢書一函

鬢頭

王子獻來

晡後詣邑館送屠王兩君之

行詣興聖寺送孫仲容行詣蕭山館送王蓉舫行不值荅拜姚

棧卿程敬卿高仲瀛皆不值仲瀛則已行矣就子鎮雲門談至

夜歸付車錢十千邑鄉修卹厝錢四千

是日庶吉士散館

命翁侍郎同蘇擬題唐李程日五色賦

以德動天鑿祥開日華為韻

詩題

際天菽粟青成堆得唯字

得致夫書即復

孫鏡江來不值

邸鈔

上諭劉秉璋奏懇請開缺終養一摺劉秉璋之母胡氏年逾八旬兼患

目疾侍奉需人覽其所奏情詞懇切原應俯如所請以遂孝思惟江西

地方緊要劉秉璋向來實心任事於吏治民風頗能整頓朝廷倚畀

方殷且該撫尚有兄弟二人可資奉養正當及時圖報用副委任劉秉璋
若毋庸開缺

以章合才為江西九江鎮總兵朱淮森為江南淮揚鎮總兵

十九日庚辰晴下午收露燄熱 作書致張夫為雲門賈文事

作書致焮伊索畫扇贈以邵位西詩集等數種 作書致紫泉

為梅卿尊人六十雙壽送公幃事 終日苦歎熱臥閱白虎通疏

謹時：睡去益溼氣又發矣 致夫來

邱鈔

上諭兵部奏遵議署將軍處分一摺署吉林將軍甯夏將軍穆圖善

將永不叙用之道員舒之翰派委差使並為聲叙累年勞績意存乞

恩實屬咎有應得穆圖善著照部議即行革職

以錦州副都統古尼音布署理吉林將軍

二十日辛巳晴 早起自澆花竹 作復朱亮生書并還其所著

海防議一冊贈以王郎中鹽法議略 作片致紫泉屬其轉寄亮

生書 作書致眉夫 得紫泉復 得族姪思奎廣東求館書

渭亭之子也 秋伊來贈泥金畫梅扇一柄 夜梅卿邀同煉伊

及陳葉封杜葆初飲一更時椒

郎鈔睿親王德長夢

語曰惡

詔德長於同治年間承襲親王賞戴三眼花翎在御前行走歷任內大
都統領侍衛內大臣均能勤慎持躬恪恭盡職茲聞遠遊悼惜殊深

著賞給陀羅經被派惠郡王奕詳即日帶領侍衛十員往奠加恩於
例賞外賞銀一千兩經理喪事由廣儲司給發任內一切處分悉予開復
其餘飾終典禮著該衙門察例具奏

以肅親王隆懃調補鑲黃旗領侍衛內大臣科爾沁親王伯彥納謨
枯調補正黃旗領侍衛內大臣貝勒奕劻補授正白旗領侍衛內大臣
貝子載敦補授鑲紅旗蒙古都統

以西安將軍克蒙額調補甯夏將軍以西安左翼副都統圖明額署
理西安將軍

以正黃旗漢軍副都統恩麟署理錦州副都統

二十一日壬午晴

讀孔氏公羊通義

寫大卷小雅

得紘文書

即復 晚有風坐庭中看澆花 再得紱丈書饋醕淹鶯非八

枚即復謝

郎鈔豫親王本格補授內大臣

二十二日癸未晨晴露相間上午晴熱下午露晞有雷倚晚風涼

作片致子縝詢昨日殿試消息 作片致焯伊詢行期 讀公羊

通義 寫小尔雅 得子縝復雲門復焯伊復 譚硯孫來言

此科分房中式者二十三人會元即在其房 今年會元陸某江蘇人其文較之甲以秦某尤為不通首觀起比有云皇古與殷子之

自保傳設於周官云：既不知是何題和周官以前即為皇古尤是者語後比有云文不必決湯之明湯不必質文之明
明至不明云：既立犯下文皆自明也而語亦不可解聞其家世為興化縣極其父嘗充糧隸今為小胥尚在也秦某湘人
聞案淫蕩好博無行登面未得鄉舉之前與一小吏之妻姦姦被人叢毆幾死未幾即連捷矣其首觀君子坦蕩
文後比有云聲氣陋巷顏氏子其庶幾乎疏小曲昧東家某其知樂乎其小講已入語氣而自備東家某聞墨為改
作乎平生而進呈餘猶如故也其三觀君仁莫不仁二向文小講即用崇甘瓜若鼠牙管尼等字而是科主考尚書令科
主考董尚書皆歎賞以為名元予自感豐于後未嘗見鄉會闈墨此等委瑣不足污我簡編聊復記之若以見

時文取上其故至此而公物之無人心風會
所關亦非淺鈔故附出此以志深憂

作片致孺初還所書扇

夜雷電有雨

即止

邱鈔

以光祿寺卿宗桂全為內閣學士兼禮部侍郎銜

二十三日甲申終日露涼

寫小尔雅

得子鎮書

牧莊來

得雲門書言今日是其母夫人壽辰招夜飲

作書復雲門

作

書致紫泉

冒夫來

邱鈔

上諭前因萬青蔡等奏宗室載坤冒認地畝等情當交宗人府會同刑部

審訊茲據奏稱載坤冒認地畝屬實按律定擬等語此案宗室輔國將

軍載坤將郭鴻功等所願之官地認作伊府地該希圖霸占雖訊無私設
公堂沿邨騷擾情事實屬不安本分著即行革職其應得徒三年罪名
照例折園禁一年

二十四日酉涼露有風下午散晴 寫小尔雅畢 吳碩卿自吳

門來言已報捐知府以海運差入都引 見 下午偕梅卿詣仲彝

子縑雲門適彥清來邀同煉伊至福興居夜飲予招煉菱二叟後

歸 得碩卿片以揚州漆合大小三枚吳中新刻祝枝山集及野記

為贈 是日殿試榜出狀元曹鴻勳山東濰縣人 刑部七品小京官 榜眼王

膺榮山西朔州人 辛酉拔貢丁卯舉人刑部主事 探花馮文蔚浙江歸安人 乙亥順天舉人刑部主事 傳臚

吳樹梅山東歷城人 內閣中書 子縑爽煉蓉生皆在三甲

二十五日丙戌晴

作片致碩卿稿使二十

終日不快臥閱祝京

北集文既燕僊詩尤淺陋野記亦大半無稽之談

午後有風甚

涼寫大卷弟子職一聞

子尊來不晤

二十六日丁亥晨晴上午後露午晴下午散露

作片致紫泉作

片致萼庭贈以校山集

作片致收莊致子尊

紫泉來

鮑

敦夫來

郎鈔京畿道御史劉國光授福建福州府遺缺知府

官等旋請以新調臺灣府保舉凡福州府缺不在信以汀州府並填調福州府劉國光補汀州府

二十七日戊子終日薄晴下午鬱悶

梅卿尊人六十壽辰偕紫泉

仲彝子縑收莊雲門鏡江致夫蒼生合送紅厄壽障及紅燭二匣又

自送桃餉各一盤

鬚頭

仲彝紫泉收莊蒼生韓達軒來談

夜梅卿治具相款偕收莊鏡江紫泉葉封同席二更時散

邸鈔

詔五月二日親詣大高殿及凝和廟禱雨仍分遣諸王公貝勒禱覺生寺時

應官及各廟潭祠

二十八日己丑丑正初刻十分小滿四月中气上午散晴霰隄下午澹晴旋

霽有大風庭畔榴花開夜風

邸鈔

詔此次散館之修撰陸潤庠編修譚宗浚業經授職編修黃貽楫改

主事二甲庶吉士馮光適劉傳福華金壽等四十六人授編修三甲

庶吉士吳浚宣等五人授檢討餘八人改主事十六人改知縣

馮光適
為館元

少徐鮑臨吳講皆授編修錢唐張景祁賦足冠場而開韵誤書在魏作崔魏逆置三等
第一黃昨楫詩中拖藍小滿行句誤書作拖蔚置三等第三陸潤庠詩首句一望茫與際茫
字彙書作茫其音同而以一等得爾其餘異聞甚多不悉記也

二十九日庚寅小盡晴

先本生王父忌日供饋

作片致紫泉送還

前日公幃錢六千

得紫泉復

作書致仲彝子鎮雲門

得雲門復

王信甫來不晤

徐壽衡師邀飲龍樹寺辭之

聞子鎮朝考一等十二

覆試一等殿試三甲館選必矣

是日朝考董尚擬題為既在准宿論剛健中正疏清詩美致逐年新
得年字五言八韻第一為對樹梅浙人列一等者十二人有慈銘李濂若不識一字而家雁富鄉會試借以代情
及鈔錄得之亦列一等其餘十人
自米營生外皆較勝李濂若耳
詩以勗之
王強夫來不晤晤
讀春秋大事

表諸序論

寄子鍊

唐○重○進○士○科○利○祿○稱○極○選○積○重○千○餘○年○它○涂○弗○敢○踐○有○明○設○庶○常○翹
 材○最○尤○篤○其○始○比○列○宿○肆○請○忠○秘○典○上○以○儲○論○思○次○亦○備○編○撰○國○朝
 盛○文○教○華○擢○過○禁○齋○坐○臥○歷○臺○閣○壽○考○必○鼎○鉉○趨○榮○漸○波○靡○濫
 迹○遂○漫○行○金○銀○踵○故○事○顛○翻○習○馳○并○舉○止○類○風○狂○應○對○若○吃○寒○雞
 鳩○滿○上○林○不○顧○爾○顏○覩○吾○子○淵○雲○徒○潛○思○炳○丹○象○六○藝○資○盛○饋○百○家
 扶○輶○鍵○餘○事○及○文○章○續○紛○濟○清○辨○區○致○青○雲○豈○足○為○子○善○此○中○有
 老○宿○儒○林○號○弁○冕○朱○毛西謝全山惠半錢竹戴原王石孫淵洪北阮
 臺吾子夙服膺絕學將大闡行為吾道光非特詞苑顯任彼驅烏流
 蒙○頭○飲○香○萍○行○藏○雖○殊○塗○述○作○庶○共○勸○集○賢○與○北○門○蓬○萊○等○清○淺

五月辛卯朔晴上午有風

得被夫書還詩集并以團扇乞書即作

復略與言作詩之旨

得壽衡師書即復予與此公絕無援繫以庚午

為浙聞監臨榜後循例謁之值師生意謂其必不敢當也而竟居之不疑
其意以錄科取予第二也予於己酉以監生赴昆明趙文恪錄科戊午以貢生
赴丹徒張文貞錄科皆取第三未嘗以師目之此果何師乎比年與壽翁
周旋略假借之若以其虛心好學樂道人善必卿中所難得且方左官
失志沈滯下卿不欲忤之然偶與以者必曰壽衡夫子或壽衡先生間至
其門未嘗下車不純以師禮事之也今日書來竟以吾弟見評則大可怪
矣因復書數風以意書本不足存而其事稍有关系故記出之

慈銘頓首壽衡先生閣下伏承手書一昨見召飲龍樹寺以先本生

王父忌日例不出門有失趨侍罪甚慈銘於世處生人之至困負鮮
民之至痛於科名榮進况不關懷故咸豐同治之間凡十載不赴試庚
午以同人牽率復觀場李學士以眾人遇之齒之無足重輕之列本
可不必入都復為戚友所敦迫今三試於禮部矣事未為宰人府官霍
穆歡所抑甲戌為貴鄉王編修所薦而林於勢利為德不終今科為
貴鄉陳編修所薦而此君讀書似太少於經策習見之字多不能
識文中用禠字經義及策三用指字皆不識又易義
中用變來字第二策中兩用足本字皆不能解其遇不遇皆無足論也行年
五十尚復何求俟至林時即當浩然歸去過蒙知愛迹阻情親轉
盼長辭能無悵也郭侍郎文章學問世之鳳麟此次出山真為可
惜行百里者半九十不能不為之歎息也所著書浩博無涯深用

意亦極精密惟其書名何不曰禮記補疏或禋注之類而必曰鄭注

質疑竊恐世之能讀鄭注者已無幾人而空腹高心剽宋人之議論以

詆漢儒者轉得以為口實是反為郭小病矣書一冊附錄不宣 書中及李學士

王陳兩編修若所以見意也予於己酉房薦官吳公于房薦官鳳公皆未嘗通贊惟甲子順天府薦官徐公梅師者以外間傳其與王考瑞常公爭至言頗心感之也然於諸君皆官而不名若以許汝長稱賈侍中例之則尊之已太過矣洪北江於吾鄉王公亦會試房薦官而年譜中止稱王編修且名之蓋薦而不中若不為師生嘉慶以前猶如是也近世士不知恥以奔走聲氣為能於是師口多而俗曰薄蘇杭之士每刻行老受知師皆至百餘人甯紹之不肖者亦漸效之江河日下此亦其一身全謝山作師說蓋乾隆初座師房師之備漸盛外更伴舉之師亦漸多謝山故謝山言之宜知屏靡浮偽禍地備師有如今日者乎

又肅翁前送郭侍郎禮記鄭注質疑來求閱復以一帖久已不能記

其論郭書大指略具於左

郭侍郎禮記鄭注質疑前年於潘侍郎許曾見其郊特牲篇

一二冊其書實事求是絕不有為依州之談然慈銘私意以為三禮
舍鄭注無從得其涂徑陳澧澤之陋無論矣嘗慨衛正叔集說意存
博搜而不知別擇其中如輔漢將方性夫等強測文義鑿空妄說
雖力欲與鄭君為難而浮游遠矣不足與辨惟陸農師至今甫之流
依據典禮自立一說間亦有所補正而不詳究始終所謂彌近道而大
亂真足以惑後生而汨聖制若不融貫經緯別其是非而拮據原成
蔑棄冲遠凡見日出岐途愈多是經學之蠹賊也慈銘少本失學老益
無聞於經義一無所得萬不能以廢鄭公著述之盛心敢略陳其狂瞽
惟長者裁之

子鎮來 得伯寅侍郎書惠銀三十兩并小謨鶴館集兩部即復

謝橋使六干

雲門來

致夫來

星齋丈來

閱趙寬夫春

林異文箋

夜五更大風有雨

邸鈔

命左都御史景廉戶部左侍郎殷兆鏞教習庶吉士

初二日壬辰震雲旋晴有大風下午稍止

閱春林異文箋

印

結局送來前月公分銀十兩

孺初來

子尊來有宜興人吳協

心同來言是庚午舉人知經學者滿口古器古泉瑋相聒擾甚為可

厭它日當拒絕之

邸鈔郭嵩燾奏請因病回籍

詔再賞假兩月

初三日癸巳晴

閱公羊禮說

仲彝雲門來清談竟日

得

絨丈書饋蒸雞養魚即復謝橋使二千 子鎮來 爽煉來

換聽事聯幅以新裝池石鼓拓本等懸之 是日付寶森書銀六

兩 管帳銀三兩 史記志疑四兩 酉山書銀三兩四錢 唐會要 無銀 又以江甯新刻史記還寶森

今年節事窘極矣

郎鈔前任內閣侍讀學士鍾佩賢補原官

初四日甲午晨露上午數晴午晴下午多露晡後風有小雨旋止

晚姓 夢庭饋角黍雜非餅餌雙雞受角黍報以醜肩 作書

致星丈絨丈各饋茶籠一器饅頭一盤 節事甚乏而庭前石橋夾

竹桃等作粵甚盛戲賦一詞 是日付米錢百二十千自去年十二月

至今所食也又付南物錢五十一千 盛伯希來久談此君留心掌故

宗室中之傑出當不愧完顏璫趙與省也 得孫伯父硯香四月十二日

福州書年已七十五六書非其手作矣中言自蔡西就養閩中貧苦益甚

欲予為芸舫道地此非所能謀也 梅卿饋角黍

錦堂春 丙子端午

灼灼榴苞吐火。猗猗桃竹流霞。薰風不管人憔悴。點綴滿庭花。五十顛毛如許。三千歸路猶賒。不知明歲蒲觴底。芳事屬誰家。

初五日乙未 晨散露上午晴下午輕露多風 作書致伯寅

侍郎符五古一章 爽林來 署吏送養廉銀十三兩來稿以

車錢三千 得伯寅復書再惠銀十六兩可感之至即復謝

仲彝來子鎮雲門來午偕梅卿略治具款客致夫後來清談極

賜 得星齋丈書饋角黍饌豆嫌飽即復謝稿使二千 有夫
饋銀一流即復謝稿使四千 紫泉來 午後偕梅卿仲彝子
鎮雲門陟夫游龍樹寺登看山樓采茶堂所題也以八分書之又有王
伯中篆書小月清華一額是日涼露布戶清風逸坐攜茗品泉清
言竟晷子鎮陟夫所春諾即系踵而至鉤簾四望亦有山光鬢影之
娛至晚而歸 是日付石炭錢百二十千 福興居酒食錢五十千 廣
和居酒食錢四十七千 衣襦銀三兩九錢 敷灰錢三十七千 僕媪長班
節賞錢五十四千

重五日游龍樹寺記

宣武城之南地形偏下潢水所積蘆葦叢生家肆香鱗刺宇

間結緋較之地。迺為觀游鐘魚之場。遊萃壺勺龍樹寺者。本觀音
寺之下院也。道光初年。有浙西僧。增葺寮廡。補栽花竹。以寺有古槐。
蟠屈倒伏。枝幹阿互。角距四鄉。鱗鬣畧攸。因易緘之名。為龍
樹之額。面南開軒。野色萬頃。蒼筠葉剛碧。浪浮陸林。芳作花
則縹。圓椒雪。顏曰葦葭。葭一寺之勝槩也。小荏大葦。雅訓堪徵。初
葭秀萋。何名各異。要以流連光景。延寄嘯歌。愛離絲之上。簾雨
痕可染。比鷺灘之編。徑月色都通。不必辨毛許之誤。文究孫郭之同。
異其東為樓。三楹繞以叢竹。可以樓止。崎士佺。隱居西為危樓。一
間方廣。二句窗虛。四敞簾垂。一重西山。綠青憑檻。可數朱右臣侍
郎。眉之曰。翰山樓。游息宜於高明。佳境副其題目矣。歲在游桃月。

逢夏五。蒲英汎酒。樗火凝庭。小設羹鮑。相邀羣屐。與胡匡伯比部。
東西分釀。南北夾廚。約恩施樊。手雲門。黃嚴王子。張甫。會稽陶子。
仲彝。孝。遜。兄弟。飲於富。蕭。小戶。易酣。佳興未已。遂同車入寺。憩於
斯樓。輕陰。而。簷。涼。風。在。幌。佳茗。數。瀹。清談。不疲。胡蝶。自。飛。芳
草。無。礙。語。笑。出。於。天。半。鴉。鶴。望。其。下。風。游。女。叙。符。低。颺。於。花。雨。
市。角。黍。高。堆。於。綠。陰。有。節。物。之。娛。極。饜。婆。之。樂。鳥。至。於。南。攬。
江。亭。西。帶。崇。效。紅。牆。遠。映。翠。幕。遙。開。抱。危。堞。之。浮。雲。數。平。
林。之。過。鳥。暮。景。暗。曠。歸。騎。續。紛。逝。陰。促。於。駛。波。益。戲。難。於。上。策。
古。人。不。作。將。續。乎。夜。游。來。若。如。斯。莫。忘。夫。今。樂。綴。以。短。製。首。唱。
八言和而廣之是在五子。

朱明啟中序琴尊邀素心烟蘿入微徑幽日開禪林樹繞郊
宮墮鳥度層城陰清風自終古後者還思今

寄伯宣侍郎

我聞管如來捨身食鐵虎亦有慈悲狸銜肉以擲鼠美人織雲裳頗
亦之機杼願抱衣被懷窮獨發休古臣脂膏竟空處豈知僵臥客朝饑待懸釜予也習
微尚行忘甘草如累飯無子桑簞漿絕狐父所幸牽船來暴秦託春宇

一昨聞故門深情溢豪楮清俸予自分朱提策可數赤脚趨行甃長
頰亦歡舞鄰家驚廚烟庭花媚晴午昌蒲雜艾蒜丁倒滿瓶瓶來
何債臺迫索券積尺許鬢鬢百十羣敲窗復踞戶言濕懸吐辭
進退囊才武調轍廉泉近堪杼欲為無厭求再作外府取知

君解金貂慨然不余拒急計償米薪餘力辦角黍是時久稅早我出
滿甘雨願益揚薰風徧使獄生魯時侍郎攝少司寇餘杭疑獄

郎鈔

太子太保武英殿大學士軍機大臣文祥卒

文祥費莫氏字博川滿洲正紅旗人居奉天道光乙巳進士諱文忠

上諭

文祥清正持躬精詳謀國忠純亮直誠懇公明由部曹荷

文宗顯皇帝特達之知洊升卿貳在軍機大臣上行走復蒙兩宮

皇太后

穆宗毅皇帝重加倚畀同治四年奉天馬賊肆搜特派帶兵出

關剿捕地方賴以廓清旋經簡任給扉深資輔弼於國計民生利

病所關及辦理中外交涉事件無不盡心籌畫實為股肱心膂之臣

以積勞成疾屢請開缺朝廷寬予假期遣醫診視賞給人蔭方

期

克享遐齡長承恩眷茲聞溢逝震悼良深著賞給陀羅經被派郡
王銜貝勒載激帶領侍衛十員即日往奠加恩予謚晉贈太傅照大
學士例賜卹入祀賢良祠賞銀三千兩由廣儲司給發賞給騎都尉世
職即令伊子熙洽于百日孝滿後承襲靈柩回籍時沿途地方官妥為
照料到旗後著崇實前往賜祭一壇用示篤念蓋臣至意

初六日丙申晴 閱古文苑終日小極多臥 鬚頭 是日凡

六得伯寅書皆往還書籍也凡四作復 傍晚有風涼露曖然坐

庭花間讀唐人詩 夜初更時睽雷雷鳴有激雨即止旋月出

姓明

初七日丁酉晴下午有風 得仲彝書 作書致牧莊致致使夫各

越縵堂雜著

贈以小謨觴館集一部又作書致仲彝子鎮雲門三君
復書并新詞一闋 仁和諸編修可所來

郎鈔

命協辦大學士沈桂芬稽察欽奉上諭事件處 戶部尚書載齡
充武英殿總裁

初八日戊戌晴數露有風 曉臥中疾動憊甚 得伯寅書還授

堂遺書 比日見雲門子鎮填詞不覺技痒亦賦兩闋以寫抑鬱之志

即為雲門書扇作書致雲門 再得伯寅書贈秀水杜文瀾平定粵

寇紀略一部吳中所新刻也共十八卷起道光三十年六月洪秀全倡亂廣西
桂平縣之金田邨終同治三年九月洪福瑊就擒於江西石城縣之荒谷皆

編年紀事而詳略未當，倘謂理俗叙次全無要法，未可賦名記邪。說記逆蹟，託瑣聞記四卷，亦拙陋不足觀。得紱丈書，還衍石記事，索即復

數字

渡江雲

重午晚雲，借諾子龍樹看山樓佳序，難逢芳情，多春感時傷共。

雲容天澹，葦痕風影，都上寺西樓。遠山青萬疊，甚處斜陽來與挂。
簾鈎離楊，細草又今年。綠福瀛洲，偏未許，玉容花貌深處。盪蓮舟。
凝眸高城望極點，官鴉正晚鐘時候。還認取闌干，透倚壓鬢紅榴。
單衫小扇，分明在祇歸箋，難寄珠。驅歸騎，香憑誰繫，住閒愁。

村字縑和作

碧槐風影麗，舊衫畫扇同倚。夕陽樓西山青，不了一縷茶香低。

寧小銀鉤光陰。黍夢甚年年。草綠南洲。曾記得花香巾。黛催

上木蘭舟。自注戊辰五日 在江山舟上 盈眸天涯一望。小院東風。想此情依舊。憶前

度山房對塔。水榭開樞。相思都似春前絮。盼玉人彈上金。龜人不

見。又教添箇春愁。

附雲門和作

遙山青似黛。簾中茗盞來上竹間樓。僧廬渾未改。紙閣明簾。曾

記笑藏鉤。滿裙夢香。但蘼蕪。燕繡滿芳洲。還共約橫塘秋水同

泛采菱舟。四眸家山底處。物候頻移。更魚書沈後。空憶得香

囊。綴虎玉鬢簪。檣尊前不聽琵琶語。甚等閒。還帶銀樞春

去也。一年長是春愁。

長亭怨

雲門見好新譜蕙蘭芳引感渙而孝叔寶庶常所春作也綺情多觸
言哀已深庶常于同年曾識之蓮花寺館筵假歸抵黔而殉作此哀之并
調雲門

憇○彈○出○夜○弦○清○怨○湘○水○巫○雲○譜○成○淒○絕○淚○溼○青○衫○寄○情○空○自○費○花○葉○
碧○橋○吟○罷○還○憐○惜○芳○蘭○未○歇○可○憶○紅○樓○吹○玉○茗○東○風○如○雪○
雲門有茗花
春兩樓詞
愁○說○替○年○蕭○寺○見○風○貌○蓮○花○無○別○蓬○山○路○近○看○纓○佩○尊○前○親○結○怎○漢○
池○啼○到○紅○鷓○便○夢○斷○竹○玉○殘○月○祇○應○羅○袖○黃○昏○猶○記○舊○時○橫○笛○

郎鈔

以詹事府詹事文激

滿洲
癸亥

為通政使司通政使以翰林院侍讀學士錫珍

蒙古
戊辰為詹事府少詹事

初九日已亥輕露作涼

兩得伯寅書皆復

雲門來子鎮紫泉

來羊辛楣來王致夫來 得絨丈書偕日記即復 夜辛楣邀飲

景齋堂偕仲彝子練雲門致夫赴之三鼓後歸

邸鈔

詔十三日親詣 大高殿及 時應宮祈雨並遣博親王奕諱禱 天神

壇恭親王奕訥禱 地祇壇掌郡王奕諱禱 太歲壇禮親王世鐸禱

覺生寺鄭親王慶至禱黑龍潭貝勒載澂禱昭顯廟鎮國公奕謨禱

宣仁廟散秩大臣載瀾禱凝和廟貝勒載治禱清漪園龍神祠散秩

大臣載瀛禱靜明園龍神祠惠郡王奕詳禱白龍潭均先期齋宿大

高殿道眾祈禱覺生寺僧眾誦經及輪班上香住宿之王大臣等均恪慎

將事一切應行典禮該衙門敬謹豫備

初十日庚子晨雨至午止終日霏霏 得紱丈書即復 仲彝

雲門迢具來同居子練亦迨寫有夫家偕三君賜談至夜三鼓始罷

五更大風

十一日辛丑晴晨大風極橫上午稍差午復甚晡後稍止 劉鑄山

師生日送銀二兩 作書致張泐氏 子練來福州陳汝翼進士著

來 牧莊來 紫泉來潘伯馴孝廉來 是日談諧甚暢偕諸

君夜飯至初更後散月色甚佳偶得白云客去茶烟猶繞戶宵

初花氣漸通簾因成兩首以詠諸君

仲彝雲門攜具來同居喜賦一詩并柬有夫子練

老屋三間學隱論多君來此息風塵已○憐○夢○景○催○歸鳥暫喜寤寐

木
逢對故人酒一尊。停夜月庭花半架。殿餘春東頭為悶。蓬瀛
信官燭詩篇定信新。
是日子諫亦
遠寓官夫家

次日收莊子練紫泉見過在偕仲彝雲門匡伯小飲客散後作

華月纖、欲挂簷東尉西釀偶相兼。清談舊雨聞彌永。脫粟荒
年儉不嫌。客去茶烟猶繞戶。宵初花氣漸通簾。祇應長觸閒情賦。
一曲鐘前管。鹽。
謝仲彝
子諫

十二日壬寅晴下午有風 張昶氏來贈以貴州黑羊井水筆一枝

夫來夜談月甚佳

邸鈔自初七日至十二日新進士引見畢

初改為翰林院庶吉士者吳樹梅等八十九人分部學習者七十六人以內閣

中書用者八人以知縣用者一百十三人以郎中主事原官用者五人歸班保

選者二十七人

浙江得庶吉士者九人于鍊朱蒼生及唐于同年歸安朱統清皆與烏爽林及
莫峻考源皆分部學習顧家相朱彭年皆用知縣福建陳汝翼得庶吉士貴州

陸朝霖葉國謹 亦皆與選

十三日癸卯晴晡後露傷晚風

觀雲門昨夕所為卷簾新月上得簾

字五言八韵新考絕倫因以醉日為題得移字韵約諾君同賦

作片致鐘仲蘇并一紙寫養自然齋詩語應改者數條屬轉致其兄

此卷星屏八畫日已

下集卷二集

二

越縵堂雜著

鍾仲蘇同年來 王攷

兩人修撰 得子鎮書饋行軍散藥一瓶 得仲蘇復并詩話

一部 是日小感微涼啞間火發不快 夜月甚佳有散風坐庭下

久之

十四日甲辰酉初二刻十四分芒種五月節終日霞隳鬱悶多陰晡後

有雨數點夜有小雨 寫詩致子鎮 為鄭香題畫蘭 鬢

頭 致夫來因畱夜飯 子鎮來陳汝翼來夜談甚樂後以四

十字紀之此成寄朱亮生七律二章寄謝夢漁七律一章

雨後愈適喜致夫子鎮偕陳汝翼庶常蒼蒼見過同雲門仲彝

匡伯在話

疎。而。過。銀。河。虛。堂。鳴。嘯。歌。人。間。知。已。少。天。上。暮。雲。多。短。燭。消。更。漏。

高言畏網羅。商量文字業。莫問夜如何。

寄秀水朱亮生采明經保定幕府

二首時督相逸駐津門君仍雷省垣

府主三公督八州。疎狂舊託世無儔。軍門祇解能長揖。漆室頻聞恃
老謀。附體誰修張喬敬。臥房容得禰生留。廣筵珠履三千客。獨

自悲歌學楚囚

雄藩保塞拱京華。驥騎

蕭蕭靜走身

勃海列屯傳

羽箭潞河飛

棠。漲桃花萬言盾墨常。馳檄

君若防海私議治河。口風塵走寄家頭白。私議失十萬餘言

橫流何日止。相期歸去問桑麻。

贈謝夢漁給事

贈謝夢漁給事

騎驄擁燁煙

三朝白髮

風漢五芳黃門

拜疏歸來乞米忙。羣兒

三朝白髮

風漢五芳黃門

作病坊殿上吹謔方朔樂詩中涕淚杜陵狂憐余寂寞頻相過
多事人間著漫郎

邱釗

補庶事府右庶子文治轉補左庶子禮部郎中啟秀補授右庶子禮部員
外郎李樞交軍機處記名以道府用編修畢保釐孫鈞昂均准其一
等加一級交軍機處記名以道府用

十五日己巳晨至下午晴晡後露有雨數點是日懋鬱熱晚陞 作致

朱亮生書符詩寫去作書致紫泉託其轉寄 作片符詩致唐

漁 買紡紬幃一越羅綺一雙付京錢二十先生甚矣尚不免紉

綺絲風以繁多汗畏熱不得已也 仲彝饋赤布卓鞞一張 得

紱史書即復 作書致子鎮得復 是日翰詹部院諸官考

試差毛祖熙擬題為雅頌各得其所四書文嶧陽孤桐泗濱浮磬

經文置畫溪光碧玉泉得洲字五言八韵 此元遺山濟南雜詩也全首作吳兒洲渚似神仙

洞天見鸞山雲居秦初年其意以吳中山水雅佳不及鶴華所云吳兒洲渚者注指江南言也乃以洲字為韵蓋誤認吳兒洲為地名而天戲去渚字此亦七字栢矣

郎鈔

上諭近畿一帶天時亢旱直隸山東兩省暨豫省河北等府亦復雨澤愆

期被旱地方較廣著順天府府尹直隸總督山東河南巡撫體察情形加

意撫卹並講求救荒之策督飭所屬實力舉行

副都統銜頭等侍衛台慶為伊犁索倫領隊大臣 本任額爾根巴圖魯病

十六日雨午霽小雨上午晴晡後霽傍晚姓 彥清來 子鎮來

汝翼來 吳碩卿來夜談 四更時疾動

十七日丁未晨至下午晴熱晡後雲合有雨傍晚姓 偕仲彝子

鎮汝翼雲門梅柳彥清張未釀飲李鐵拐斜街之且園滿洲同年宜

伯毅宜座為其尊人 其都司 所新闢也栽花築樹營造

未已有城而列舍三楹小足番憩其西穿池置廊看畜方始 而僅置楹

俗冀漢等觀八旗區孔福滿慶康 是日定席地者致夫及朱郎霞芬也晡

後酒闌致夫復逆席霞芬家至夜一更時歸付車錢十千

謝夢翁來潘孺若來常熟同年龐庶常鴻文來俱不略

夏日偕汝翼至伯彥清致夫仲彝子鎮雲門飲滿洲 某氏

且園復遊致夫飲對門朱郎家夜歸即事呈諸君

城南馬殿新為園。雜花雜竹深映門。池臺簡略半未就。時有客至
羅琴尊。面東開軒數弓地。佳日停雲暫相憩。窮途猶喜交材賢。餘
力同期治文字。庭前烟霧橫窗紗。石樞如火紛天斜。清風時來入簾
隙。玉缸酒面飛紅霞。長髯短履互行矣。雄辯清言共駱驛。朱郎手持
團扇來。玉樹一枝照瑤席。芭蕉展葉桐陰交。此外尺地皆炎歊。醉中
不覺人世窄。仰見赤日行天高。是時至尊正憂旱。神畿千里麥
苗斷。我曹冗食何所為。對此盤餐得無報。柳邊隱鳴輕雷西
鄰重見華筵開。簾花一陣過疎雨。轉向銀屏看月來。

十八日戊申醒 終日不快多臥 閱唐兩京城坊改 秀清來

竹簟來子縵來夜飯後去

此等星屏... 越縵坐雜著

邱鈔

上諭文煜丁日昌奏特參文武各員請旨分別革職正法一摺提督銜總兵朱名登以專閫大員委帶營勇竟敢曠缺不補並於游擊郭珍明等尅扣勇糧等情始終袒護實屬荒謬糊塗游擊郭珍明都司何積祖從九品郭秉義通同尅扣勇糧朱名登郭秉義若一併革職永不叙用不准復效各路軍營郭珍明何積祖以幫帶哨官輒敢販運洋藥膏與勇丁希圖漁利敗壞營規實堪痛恨均著於軍前正法以昭炯戒

上諭御史周聲澍奏請收回淮鹽引地禁止川私一摺著戶部議奏

兩湖向為

淮鹽引地軍興以後江淮道梗兩湖借運川鹽江甯克復兩江總督曾國藩重整淮綱因該重抽引稅以暢淮甯同治七年九年曾國藩兩疏言川鹽侵楚害淮之弊刻湖廣總督李瀚

其疏為軸李瀚章也

章祖護川鹽陳視准綱皆下戶部議以鹽統地係滿副李瀚章竟札下湖南督銷局裁撤
衡州府等處緝私巡船會同常守之於是奏請分界銷售以明止之必陸荆州廣陽高陽宜高
荆門一州湖南之澧州一屬借銷川鹽戶部議以川鹽因黔邊不清無大岸可銷暫照新議一俟黔邊
肅清即金行退出歸還准地下各省議行先是川鹽鄰稅每斤抽錢八文以五歸准以三歸湘李瀚
章怒減作五文以三歸准以二歸湘相若以為數太微密露全減於是每斤止抽三文矣旋以川鹽成本太重
又奏請停收湖北陸課矣又請裁湖南澧州花畹關稅局戶部再啟奏謂其徒示體恤於川販未權利
實非准綱事不行而以臬口益橫同治十三年二月遂禁劫岳州鴨欄破緝私下局殺傷巡緝水勇李瀚章
上劾文武卡員而首事者置不問刑部劄語亦不答且復懷湖南勇戍守於是委員反為護送川私
矣李瀚章又飭湖南督銷局許以私假道常德德辰沅以達貴州沿途酒資聽其所為於是川販既勇
卡莫敢誰何兩湖州縣路之走私而准引久懸場鹽積至百餘萬引各岸積至數十萬引矣聲謝歷
陳其弊且謂川鹽取巧弊繁每包數百斤或數十斤散味船底無數可稽視准鹽之出進應遵官商
扣稅不爽分毫若孰多孰少相若天淵乃心取少者多故違定制必患體國當如此耶又謂同治十一年戶部
奏稱鄂省必欲行銷川鹽原為籌餉起見乃近年鄂省所報川釐數目遠不及准課之多是准銷之短絀
既見川釐之挹注無期使使祖宗成法因此敗壞是以鹽運並益於鄂餉也准鹽以在百引一票計之多銷
一票釐課可得三千兩場地錢糧可得三百餘兩倘能盡杜鄰私則兩湖七十萬之引額不難復舊律
楚省全年能早儲一綱即可入銀一百六七十萬云云然此疏亦止就准鹽三年兩湖人權利原川鹽
以釐事府少詹事馮譽驥 高要 甲辰為內閣學士兼禮部侍郎 銜 原任興義崇其藩以三
月十六日卒至此始補

十九日己酉晴 上午詣謝夢翁略詣汪極門不值詣碩卿略詣王信

北... 錄... 著

甫不晤詣有夫晤詣以質不值詣鍾兩人仲蘇兄弟均不晤詣譚研

孫晤午歸 汝翼來不值 紫泉來 子鎮來 汝翼來偕諸君

擲漢官采選儀 夜得有夫書 是日付車錢四十

邸鈔

以吉林副都統西蒙克西克與正白旗漢軍副都統玉亮對調

二十日庚戌晴 外祖妣孫太君生日設饋奠 作書致收莊

子鎮來汝翼來 收莊來 致夫來 羊辛楮來約游三海 夜

偕汝翼收莊致夫子鎮諸君小飲

邸鈔

詔二十四日仍親詣 大高殿及昭顯廟禱雨仍命悖親王恭祀天神壇

恭親王恭祀地祇壇字郡王恭祀太歲壇禮親王世鐸禱覺生寺鄭
親王慶至禱黑龍潭貝勒載漪禱時應宮鎮國公奕謨禱宣仁廟
散秩大臣載瀾禱凝和廟惠郡王奕詳禱闕帝廟貝勒載治禱城
隍廟散秩大臣載瀛禱清漪園龍神祠載津禱靜明園龍神祠貝勒
載澂禱白龍潭

二十一日辛亥晨及上午露悶鬱熱下午激雨數作晚又小雨
始換冷布窗 易絺衣

二十二日壬子晴 得伯寅書以新作消暑詩四絕句索味并饋
龍井茶兩瓶即復謝 再得伯寅書以新得鈔本姚少師逃虛類

彙獨蒼集兩冊及介點瑤草圖海三好相大譜一冊見即復 子

鎮來汝翼來 下午偕仲彝子鎮雲門汝翼至文昌館觀劇夜偕

梅卿雲門邀諸君及致夫飲萬福居予招煥凌致夫招藹雲二夏

時汝翼邀飲鄭香家四教後歸 官夫來不值 得紱丈

書還遣山集

二十三日癸丑晴熱不午霽 和伯寅消夏四詠即書致伯寅 手

撫明三相大牘各一通分宜上一紙署曰侍生嵩頓首子應契兄先生正

下於嵩字鈐雀中邑三陽文費陽兩紙共二十餘行首曰士英罪廢

十餘年來絕意灰然不料當事諸公捉生替取以此重擔忽委之於

英弟、從頭做起蓋初起為鳳陽總督時也下署曰弟英頓首而不署

所與之人其起處鈐出巽二字陽文懷甯兩紙起處鈐榮蕃二字

陽文下署曰弟誠頓首亦不署所與之人書中有云過張煉不及晉謁
 蒙撥淺夫俾賤眷得遠行又云管河簿郎時祥弟史垣舊效勞吏也
 幸在仁人君子雲霓下則其人當是總河或河道監司三奸行忤俱有筆
 意文筆亦不俗貴陽尤明快其書自任能制獻革諸賊而深慮閩賊
 之南下益其時始起戎籍亦思有以自見小人得志恣其披猖遂無所不
 為家國盡喪身亦磨礪可以示戒矣 作書復被文 得伯寅復
 倫晚坐庭下洗足

章子厚題名

方丈仙人本渺茫一言腹劍竟披猖同文獄起清流盡宣訓誣深故
 后傷偉尔堂碑聯馬玉終然繫法悔商鞅僭雷配字酬相謔空自

題名記草堂

逃虛子集

北郭曾傳十子詩。彌天神駿想當時。海鷗游戲真無賴。香象超騰大有辭。赤脚已成和尚錯。紫袍難得去。婆知程。朱何與。方黃事。一炬煩人報少師。

鈴山堂集

詞臣十載錫維池。清望東山世莫如。竟負焚香天上祝。虛傳禮斗殿中居。邊防河套終捐棄。直諫朝班盡掃除。猶有一編遺集在不。款隨例沒圖書。

三相國天牘

五宰相書能避瘧曾聞戲語出活翁何來勝國三奸聚院見陰謀
異代同孔雀何毛悲盡落魁狐影向誰工留都賈後終強亦猶較
袁江戲寇確

二十四日甲寅晨晴上午有風午後霽終日燠熱

鬚頭 閱金

石萃編中宋元祿黨禁研攷七十二弟子贊攷

彥清函來

雲

門太翁生日衣冠以賀之

在得百夫書即復

郵鈔

以內閣侍讀學士瑚圖禮為光祿寺卿

上諭御史張盛藻李廷蕭奏近畿省分被旱甚廣亟宜速籌賑濟請

飭先撥帑項一摺著戶部速議具奏

疏部議先撥庫銀十萬兩交順天府府尹直隸
總督分領賑賑在著山東河南巡撫酌量倉庫存項
分別籌辦閏月初三日具奏 旨准行

二十五日巳非晨霧上午薄晴午後晴暑特甚 宸儲仲彝子

鎮汝翼雲門產清梅卿進宣武門西安門至金龍玉棟橋晤羊辛楮

同入右掖門登圓城周回睥睨下臨池水中為承光殿殿前有古栝一株

傳為金時物天福蔭敷飲其餘松楸疎峙亦皆數百年物也殿宇覆

而圓人呼為圓殿殿中設 御坐前列燭臺重鑑左列商文公鼎右列

諸葛銅鼓殿南有玉甕亭置元代玉甕里質白章刻魚龍波濤瓊

中刻 高宗御製玉甕歌殿後石山波陀循徑而出為敬躋坐古籟堂

又北為 中設御坐規模略如承光自此下階而北為積翠堆雲橋

過橋為永安亭即金元之瓊華島也御出右掖門坐車南東行半里

許入陟山門望瓊華島之東面石幢登山徑看畫廊諸處山徑委

蛇峯巖巒峙高下林木蔚深以諸君欲先游南海遂出復上車南

行里許入西苑門明之西內也門內有平橋朱闌激池而度循東岸而

北為萑園亭樹傾欹樹石荒澀素尚齋雪廊登石磴入新垣小門少徑曲折為經流杯亭有聖祖御題曲水浮花

四字經長春書屋物魚亭鏡光亭待月軒補桐書屋日知閣織女橋

雲繪樓皆棟宇半壞不復可入雁人字標交蘆館書及

尺字柳春及軒交蘆館小憩於寶月樓下復循池西岸而南經曲星澤軒過

園過織女橋登日知閣下有小閣至瀛臺至瀛臺樓下少石巖嵒多具洞壑有大愛在三殿厚立丈餘其十題播笏亭並園通元門狎漚亭煉雪亭至瀛臺臨水以太湖石為地荷葦交

風坐臥其中若久之復入涵元門中為涵元殿東為禘暉殿西為瑞

曜殿後為香辰殿陳設華重有象牙文石瑠鏤人物屏風十二扇

極精工外以玻璃隔之殿東為景星殿西為慶雲殿又出涵元門池

西行入豐澤園世宗演耕之所也有長廊曲檻花木幽深內為惇叙

又進為堂懷堂後為遊曠樓其北為崇雅殿復道重軒窗深苗前則欄窗裏地下有曲池一帶池水之味也此

殿有戲臺又北為

春和殿

殿後有樓

文石紆紫朱欄

環映碧西苑最勝處出經結秀亭聽鴻樓仍度平橋出西苑門經

南花園門奉宸苑暑時曾到日行喝困不能堪就茶檣小憩登車沿景

山過大高殿出地安門至十刹海飲茶一曲湖樓樓下荷池數里對面

瓊島景山東西雙峙都中酒樓第一家也傍晚歸是日自入城至

出城約六時許付車錢十千 汝翼來在飯後去

買陂塘 夏日借諸子十刹海探荷飲於一曲湖樓望瓊島景山相樹迷濛

苑牆繞繞水田風葉事宜人譜此以望看花之約

宸簾前翠雲千頃田田荷葉飛舞鳳城遠抱盈水臨小樓空無

數天際路看百道紅牆編鎖宮中樹笙歌散去祇玉輦苔封錦帆

塵歇傾盡掌盤露 凌波近綽約瓊華島嶼景山撩亂鴉語

高下倚極 玲瓏

妝臺莫。謫。遼。金。事。一。霎。夕。陽。紅。過。能。幾。度。待。擁。櫺。人。來。同。向。花
間。住。闌。干。倚。處。指。夾。岸。垂。楊。蒼。烟。忽。斷。飛。渡。液。池。鷺。

二十六日丙辰晴 致夫來 作書致眉夫魁其第四郎鴉並之

痛 作酸梅涼飲子 得子棠書言二白南旋并索還筠軒

文集即復 夜紫泉書來邀飲鄭香家偕雲門梅卿赴之坐

有子縝仲彝三受後歸

邵鈔

慈安端裕康慶皇太后

慈禧端佑康頤皇太后懿旨御史潘致儼奏請開除親王差使一摺

前因醇親王奏舊疾復發懇賜給全當允王公大學士六部九卿之

議將各項差使開除即神機營事務亦改派伯彥訥謨祐等管理僅
令醇親王隨時會商籌辦惟善陀峪工程重大仍令照料亦該親王職
分所當為嗣因皇帝入學讀書特派照料毓慶宮事宜亦非尋常差使
可比至每年七月十月萬壽及元旦令節均令詣壽康宮行禮毋庸隨班
慶賀並加恩以親王世襲罔替所有體恤而優崇者原與諸王廷臣迥
別該御史於朝廷用意未能深悉持論致多失當所奏著毋庸議另片
奏請表揚毅皇后以光潛德等語覽奏深堪詫異本朝恭上 列后
謚號均恪遵成憲敬謹舉行孝哲毅皇后已加謚號豈可輕議更張該
御史逆其凡見奉行奏請已屬糊塗並敢以傳聞無據之辭登諸奏牘
尤為謬妄瀆欺儼著交部嚴加議處

潘毅儼江甯人改雲貴總督謚忠毅諡字曰
蔭生刑部郎中為御史聞其奏疏有子不得臣

父北面而朝為臣長所感之語請雖稍聽誠今日所宜言也其片奏有開聖皇在絕粒若食之東則誠謬矣幸而朝廷寬政不無其幸也使詰以問自何人責其明白曰奏將何辭以對乎 若聖皇
后去年之事異論甚多臣子之心不無傷痛要之此既設上於甲戌十月乙亥正月之時據當日之傳聞亦 兩宮之調護隱所隱痛婉其措辭 東朝聖明必為動色即或觸怒而得早天下當諒其心也今長信之進已越稔年 謠說傳索典禮無闕而忽為此論徒駭聽聞且匹婦相軀有待
強異中宮神極何所表揚豈綽綽之榮可加之 陵寢節烈之謚將增其徽侮乎不學之言可為不
思之甚矣汝鼓儼入臺令甫數月必其替日備聽人言有所感激故藥元早三灾抒其積疑之惡
觀過知人君子與深責之可耳

二十七日丁巳晴暑 爽沐來江敬所來俱不略 借子緜汝翼

諸君閒話 得敬所書 是日中暍不快

邱鈔

上諭 李鴻章奏職員官充劾差私造劄印請旨革職審辦一摺據傳

內務府贊禮郎續昌與伊兄桂昌私雕假印同莊丁劉宗順等假充劄

印四品京堂馳駟查辦地畝至延慶州一帶騷擾地方現經拏獲解審

續昌等雜著

實屬目無法紀續昌著即革職交刑部嚴行審訊並著內務府步軍統領衙門順天府五城將桂昌一體嚴拏解交刑部照律懲辦

二十八日戊午餐至午晴下午散露燄暑晴後露有風 謝夢

翁來 湖北按經祝應燾來不晤 作片致朱蓉生得復

蓉生招飲廣和居辭之 跋朱子元殘碑三通 夜澍雨即止

有風三更後密雨有聲

二十九日己未晨至午晴下午露晡後復晴 朱蓉生來

作書致伯寅并以水調歌頭賦洞庭碧螺春詞寄之 殷芻

庭約明日飲作片辭之 孺共來 芻庭來 夜閱羊街之

洛陽伽藍記

水調歌頭

伯寅侍郎饋洞庭碧螺春新茗賦謝

誰○摘○碧○天○色○點○入○小○龍○團○太○湖○萬○頃○雲○水○宣○盡○幾○經○年○應○是○露○
華○春○曉○多○少○漁○娘○著○翠○滴○向○鏡○臺○邊○采○筠○籠○去○還○道○黛○螺○
匿○龍○井○潔○武○夷○潤○芥○山○鮮○菘○瓠○銀○盞○同○滌○三○美○一○新○策○時○
有○惠○風○徐○至○贏○得○嫩○香○盈○抱○絲○唾○上○衣○妍○想○見○蓬○壺○境○清○
繞○御○鑪○烟○

三十百庚申己丑二刻十三分夏至五月中終日晴酷暑大風
得伯寅書再饋碧螺春三瓶即復謝報以紫洪山芽茶一筒
汪研門來 許竹簣來 印結向送來是月必費銀十五兩一錢
借竹簣仲彝諸君賜談共飯至夜二更時去

鐵漫坐雜著

閏五月辛酉朔晴 祀曾祖考妣 祖考妣 本生祖考妣 先考妣

以肉肴七簋

雜魚四三牲加
燂是燂凡等

菜肴五簋 梅糕兩盤 暉餅一盤 蕪湯一盃 時

果四盤 饅頭一盤 桂花絲豆湯 巡酒兩巡 飯兩巡 自巳至未 數事 作

書致收莊約今晚小飲 作書致發夫得復 子縝來 收莊來

夜偕諸君共飯談甚暢 作書致江敬所饋以魚肉敬所返魚

邸鈔

詔才本月初七日恭祀 社稷壇虔祈雨澤命恭親王奕訢恭代行禮初

四日先期齋戒

詔初七日仍親詣 大高殿祈雨敬謹敬禱並親詣宣仁廟拈香仍命

博親王奕諒恭祀 天神壇肅親王隆勳恭祀 地祇壇寧郡王奕誥

恭祀太歲壇及禮親王世鐸等分禱覺生寺等處

命編修龍湛霖

湖南攸縣壬戌

為雲南正考官胡喬年

湖北大門戊辰

為副考官顧奎

為貴州正考官李岷琛

四川安縣壬戌

為副考官

初二日壬戌晨至午後晴晡後雲合小雨有風旋霽

鐘雨人修撰

來金庶常星桂來馮庶常崧生來朱庶常鏡清來俱不略

子鎮汝翼約今日早集龍樹寺仲彝雲門俱作片相催雲門復由寺

還寓見邀巨予之嬾敝無任而不為諸君所索如是亦可感矣

鬚頭紫泉來 午後偕紫泉雲門梅柳赴汝翼子鎮之招至

賓共十七人設飲薰葭籜籜外馬纓三樹交柯接掌香色襍豔

日暎雨過坐客半敝偕竹筴及雲門諸君裝回第下久之晚歸

夜有微雨

夏晚偕諸子坐龍樹寺馬櫻花下作

雨。過。夕。陽。澹。禪。房。開。絲。陰。微。風。交。葦。影。晚。色。上。花。心。飛。鳥。有。時。倦。暮。雲。隨。處。深。徘徊。無。限。意。何。似。在。山。林。

初三日癸亥晴

終日不快多臥

致夫來作夜談秀清仲

彝諸君皆集衫痕扇影在脍茶香以一詩紀之

致夫挈

震春

來同秀清諸君夜話聽歌

絲。蕙。香。無。歇。言。愁。索。尔。何。晚。風。吹。鬢。煖。初。月。媚。人。多。詩。意。宜。吳。語。茶。光。上。越。羅。玉。珮。白。團。扇。掩。淚。不。聞。歌。

郎

浙江温州府知府裕彰滿洲生員湖北宜昌府知府王熙震四川拔貢施南府

知府許慶藻舉人貴州銅仁府知府許大綸順天拔貢均開缺送部引

見

丁泗濱補授廣東碭石鎮總兵

初四日甲子晴散霧晚有風夜三更時有小雨 黎明即起坐

庭下看書不久復困甚比日溼疾大發時：昏臥今日尤勵勢出

對客不能逾一鄰蓋俗所謂睡夏陳汝翼以為脾溼當服白芍

茯苓實則五十年乞血早衰羸頓至此恐非藥力所及虛負

日月何用生為是日雲門適感小疾子鎮來視夜與之談適不可

支因書感四首盼諸君 是日付賃屋銀四兩

病中書感兼示仲彝子煥雲門三君 四首

貧。病。與。年。進。况。堪。突。疾。攻。笑。談。成。氣。逆。陸。步。即。途。窮。半。世。呻。
吟。裏。終。朝。轉。側。中。此。身。今。已。贅。溝。壑。任。西。東。

滿。目。流。民。盡。餘。生。尚。百。憂。世。途。真。偏。仄。天。意。亦。沈。浮。漸。有。標。丸。警。
誰。聞。曲。突。謀。吁。嗟。求。雨。意。微。竟。何。仇。

寂。寞。誰。相。慰。知。心。得。兩。昆。循。良。傳。治。譜。文。宋。起。清。門。憂。樂。無。人。
識。科。名。待。爾。尊。大。官。方。減。賸。溫。飽。事。休。論。

樊。澤。真。風。義。歌。詩。百。感。來。家。傳。名。將。業。身。抱。著。書。才。花。月。追。
騷。意。文。章。禁。小。穴。濟。時。應。有。待。笑。口。為。君。開。

初五日己丑晴 是日為金危危日以竿頭豬尾酒果五更祭之 楊

蒼初舍人來以江甯新刻南雁張孟彪文虎舒藝室隨筆六卷戴

子高管子校正二十四卷見贈 致夫來米蒼生來 子縵來汝

翼來 以是日為閏端午夜與諸君及仲華雲門小飲至二更

時做 作片致吳憲喧郎中廷芳取本司印結作片致王信夫取

直隸印結俱為友人授考宗人府供事也 得信夫復 乞馮子

因孝廉續三山世隱圖託紫泉轉致 夜客去後得五絕四首七

律一首

姬人張端以五月四日生今年遂閏示以詩五首

女○兒○佳○節○難○重○過○姊○妹○花○開○記○閏○娘○小○帖○紅○箋○報○端○四○燈○前○開

譜○荔○枝○香
姬人之姊以閏月生故字閏
婦今嫁金縣在閩中

碧○屏○新○意○試○裁○綺○綺○玉○母○分○來○再○熟○桃○怪○底○菖○蒲○花○發○處○重○臺○還○
比○五○雲○高○

客○中○典○畫○舊○釵○釵○正○是○黃○楊○厄○閏○年○一○事○總○輸○房○共○福○秋○風○篋○
扇○絕○新○篇○

霧○鬢○風○鬟○不○入○時○持○家○常○得○魏○城○知○赤○靈○符○在○何○須○換○長○命○新○
添○續○命○絲○

房○中○子○賚○儘○堪○誇○七○事○新○兼○筆○硯○茶○更○有○一○庭○紅○醋○醋○供○人○插○
戴○滿○頭○花○

丙子閏端午戲作俳體

糝○菘○菰○香○酒○泛○蒲○更○料○平○節○物○入○荒○廚○人○量○粟○縷○身○依○舊○裙○

越○漫○坐○雜○著○

木... 耳... 言...
榴花淚未枯。天上香羅無復夢。心前故紙尚懸符。祇應研取殘硃。滴重續終南進士圖。

初六日兩寅晴露相間下午有風

作書致致夫借以張翠文四種并

以趙味青校刻韓詩外傳借楊蓉初

得吳惠吟書

舟日子

續雲門皆咏飲十刹海金寶波塘詞見詠雲門複製後詞江城子
一曲今日雲門又咏將逢居詩一首午後體中小適玩味久之因題一律
於後詞後 孫鏡江來不晤

戲書雲門江城子菱詞後

多勞湘管譜菱詞。天問。箋成。醉不知。五月風花燕市酒。千年蘭
芷渚。宮詩黃金寶賦。人誰識。絲葉尋春事。已避添得楚江駭客。

恨淚拋紅散刻相思

邸鈔

吏科給事中奇臣授浙江杭州府遺缺知府

杭州府陳善以道員用疏以銀鑿府鑿嘉偶調杭州府奇臣補缺

科布多參贊大臣托倫布以病奏請開缺許之以科布多幫辦

大臣保策為參贊大臣以鑲黃旗漢軍副都統桂祥為幫辦大臣

吏部右侍郎崇綺補鑲黃旗漢軍副都統

上諭御史吳鴻恩奏川鹽釐課未可遽議更張一摺著戶部議奏

鴻恩疏

額引一百三十三萬每年課釐不過三百餘萬川鹽經戶部議準分界行銷湖北宜邑等五府一州湖南漢州一屬引地十五六萬每年釐課三百餘萬惟鹽釐輕而弊重其利在商川鹽釐重而弊輕其利在國若准鹽成本既輕而獲利最重故准商自計爭之川鹽成本既重而每斤釐課本省抽十餘文宜邑又抽十餘文約共三十文故湖北各協各屬州州油鹽兵餉水師及本省軍餉四川歲解京餉重資皆協餉所出於此是川鹽行楚關系匪輕即如該御史所奏全復千五六萬之引地加出洋商課釐三十萬而所少川釐已百七十萬爭引地之虛者矣已而三臣款云

初七日丁丑晴酷暑

閱張嘯山衍甄室隨筆卷一經說自易至

也

下

三

越縵堂雜著

爾雅卷二卷三說文附玉篇數則卷四史記卷五漢書多據明刻廣
東本及汪文盛本校日食晦朔月日之誤卷六後漢書本紀續漢書
律志逸周書戰國策管子韓非子墨子呂氏春秋淮南子莊子文
選樂府詩集而管子所校最多餘皆不過數條或一二條其書實
事求是鉤貫遂密而說文為尤精於近儒段桂錢嚴之說多有
所補正卓然不刊者也 晡後露有風旋復日見早既太甚為
之奈何

初八日戊辰晴酷暑徇晚露有激而夜有小雨 早起為襦袖梅
脚書扇即作書致孺初得復 仲彝子縵邀同汝翼雲門至
文昌館觀劇終日歸 在汝翼招飲鄭香家偕仲彝雲門同

車往坐有子縝破夫三爰後歸

初九日巳巳晴酷暑傍晚有急雨即止 為子縝以金泥書

廟記即書致子縝

終日躁熱不可堪晚坐庭下讀唐人王孟

^{嘉州}常尉儲太祝諧家五言古詩頗覺肺府清涼因擬右丞稟

陽太祝稟章各一亦當暑縣北風圖之意也

擬王右丞屋上春鳩鳴

春中田園作詩屋上春鳩鳴村邊杏花白待客伐
速楊荷飭觀泉脈歸燕織故巢舊人看新麻臨臨

忽不御惻惻遠行客

微雨過林塘。紅風交阡陌。柔條環我垣。垂楊蔭我宅。倚樹飯耕
牛。臨流設酒席。門巷春事多。永無遠行迹。

擬孟襄陽松月生夜涼

宿華師山房期了風進士不至詩夕陽度西
嶺草聲聲已暝松月生夜涼風泉滿清聽

樵人歸欲盡 埋鳥棲初定 之子期宿來 孤琴候蘿徑

明月出林間 清露滴山翠 鐘磬初已定 泉聲偶來至 簫風遠颺
澄松影半在地 猿嘯不逢人 負此烟中寺

假儲太祝種桑百餘樹

田家雜興詩種桑百餘樹種桑三十畝在舍既有餘時之會親友夏來於米飯社至菊花酒臨人意

逢迎稚子解趨走日弄開園裏團團落梅探醜所桑在歸涼風吹子臍清淺望河漢欲昂看北斗豈樂猶未開明朝能飲在

人生貴自足 粗能治田園 藝稻五十畝 種竹數百竿 稻花竹陰中
結屋十餘間 茅茨亦云整 籬落僅自完 後園帶流水 前軒面青
山石灌瓜蔬 饒左蔭桃李 繁租稅既早 輸雜勝供祀 先時亦速
親友歡笑羅杯盤 夏日絲陰合棚架 團欒樂置席 北窗下清
風 盈我前 雖有機杼聲 不擾午後眠 睡醒夕陽下 倚杖聽鳴蟬

邸鈔

上諭本年近畿一帶天時亢旱業經撥帑振濟並諭令李鴻章等
應否截留東漕查明具奏茲據李鴻章奏稱懇准截留漕糧等
語加恩著照所請所有山東後幫粟米儘數截留並將奉天本屆
中莊運通粟米二千九百餘石錦甯廣義四州縣運通粟米一萬一千
六百餘石一併截留以備振濟之用其順天直隸應如何分撥米數之處
該督等酌度辦理

上諭直隸地方災歉頻仍所有同治十三年以前民欠及緩征帶征地糧旗
租官課各案補徵銀兩暨出借倉穀籽種口糧牛具學租等項除十
年以前業經豁免外其十一十二十三等年迭次欠緩各項加恩全行豁免

上諭丁寶楨奏近來參革各員並不回籍仍復懸跪省城造言生事
任意妄為大為風氣之害著各直省督撫嚴行查察凡有參革人員
奉旨後即行勒令回籍如敢藉故逗留原省滋生事端即著該督撫
嚴行懲辦毋稍徇隱

初十日庚午晴酷熱

鬚頭

得官夫書借日記

錢蓮仙來

友談 子鎮來夜在聽事共飯

夜二更後雨作終夕數雨有

簾濤聲

師鈔

上諭文煜丁日昌奏福建省城驟遭水患現辦拯恤情形一摺本年福建
福州等府屬雨水過多五月中旬省城連日大雨又值海潮驟湧溪河漫

漢城內外水深丈餘田廬均被湮沒間有傷斃人口覽奏殊深矜憫即
若文煜等妥為撫恤毋任失所應如何賑濟之處務當悉心籌畫認真
經理上游建甯延平府屬及福州之古田等處被災情形該著查明具
奏另片奏閩清縣被水淹沒居民尚無傷斃著該署督等一體確
查妥籌振撫

十一日辛未晨小雨工午晴秋涼夜月甚佳 是日始食早齋
梅柳饋玉簪花一叢採海棠兩盆 為雲門仲彝梅卿致夫
評點制藝詩賦不與諸君約今年為夏課此其第一會也又為
浴平沂三白賦為錢勃遺朱買臣紉扇賦詩題團扇風前眾綠香
得前字 汝翼來招在飲辭之

部鈔

上諭廣壽奏天時亢旱時事艱難請飭中外臣工實力修省一摺方今

時勢多艱本年京師及直隸山東等省天時亢旱閭閻困苦深宮宵

旰食勞尔中外大小臣工務當振刷精神盡心職守毋得稍事因循內而

計院坐官外而督撫大吏正己率屬舉劾嚴明庶幾共濟時艱用副朝

廷諄諄誥誡至意廣壽疏言若小旱不時則大臣引罪蓋君臣一德上下交儆未嘗以憂勞之任獨歸君上而臣下晏然無事者也方今西陲不靖國用未豐民生未遂

已覺可慮況自春徂夏久旱不雨 聖駕親詣大高殿慶次祈禱當此之時大臣中省躬自責者有幾人愧悔自奮者有幾人僅能按日到班照例盡諾即以為無誤不事而已或避夫嫌疑則慮多事

三招及或耽於暇逸則思請假以徇安逸至有坐享厚祿養尊處優專顧身家若望其任若任起視國事如家事耶云云不知其何所指然實當世之名言也

十二日壬申望至午晴下午散霽晚風夜有小雨是日鬱悶至夜涼

甚望縣被 閱五經異義疏證

郎鈔

命詹事府詹事孫詒經庚申為福建正考官戶部主事王緯無錫為

副考官翰林院侍讀學士王之翰離縣為廣東正考官編修郝崑蕭山

為副考官編修朱文鏡洪軍為廣西正考官御史李嘉樂光州為副

考官

十三日癸酉晴 作書致牧莊 作書致紫泉 寫軍約夢漁

官夫碩卿汝翼牧莊鮑毅夫明日飲福興居 毅夫來 得碩

卿書 夜月甚佳

郎鈔恩合賞頭等侍衛在大門上行走

十四日甲戌晴酷暑 得官夫著偕舒甄室隨筆即復 作書

此卷是解金日已 下集卷一集 越縵圭雜著

致子縝 彥清來 傍晚偕子縝詣福興居夢漁諸君已早至

夫後來三更時歸月色如畫偕彥清諸君談至四更始寢

即鈔副都統銜頭等侍衛索倫額隊大臣額爾根巴圖卒得

旨褒惜照軍營病故例議卹

十五日乙亥晴酷暑 偕雲門仲彝彥清早飯賜談 潘鳳洲來

羊辛榕來 子縝來致夫來夜共飯賜談 是夕望月好如前

夜

即鈔

詔二十日仍恭祀社稷壇祈雨仍命恭親王奕訢恭代行禮十七日先期

齋戒二十日仍親詣大高殿敬謹啟禱暨親詣凝和廟拈香並命博

該郡王呈毫無見聞竟敢隱匿窩藏並派以副關防差使追拏獲到
案猶敢移文咨取聲侮官兵騷擾意存挾制並有台吉特克什巴雅爾
等數十案均在該王旗地面當差陽託巡緝之名肆行搶掠之事似此
袒護盜賊實屬目無法紀賓圖王西呢巴咱爾著交理藩院嚴加議處
並著蒙古各盟長知照各該王旗嗣後務當約束壯丁毋許滋事密勒
僧格一犯著按律懲辦

哈密辦事大臣文麟 卒

詔文麟由內閣侍讀歷任監司旋授哈密辦事大臣哈密屢經匪擾防
剿極為得力且治軍撫回及興辦屯田均能妥為籌畫悉協機宜前因
患病當假方冀調理就痊長資倚畀茲聞溘逝軫惜殊深加恩照都統

軍營立功後病故例賜卹賞銀一千兩治喪由左宗棠給發靈柩回旗
時沿途地方官妥為照料伊子候選員外郎多培俸百日孝滿後由
該旗帶領引見用示篤念勤勞至意

以哈密幫辦大臣明春為哈密辦事大臣以副都統銜德克吉訥為哈密
幫辦大臣

十六日丙子寅正一刻六分小暑六月節晨至午晴晡後霽偏晚復
晴是日酷暑 儲秀清雲門諸君賜談 紫泉來 爽林來
夜借諸君小飲 三更密雨至曉有聲

邸鈔

大理寺卿朱智為大理寺卿

十七日丁丑晨密雨已稍止午後密雨至晚止
久不見雨得此甘霖
永晝生涼靜坐觀之覺竹樹空濛咫尺有山林之勢因賦五古一章又以
五律一首寫示仲彝雲門

齋中喜雨

自○冬○迄○今○夏○望○雨○若○朝○飢○沉○茲○值○暘○暑○一○澆○千○念○思○何○意○水○雲○合○積
滄○光○暮○奔○騰○忽○四○注○缺○北○竅○瑤○倪○簷○漚○織○烟○霧○竹○樹○交○參○差○虛○堂
生○萬○籟○庭○砌○橫○風○漪○靜○看○雨○中○色○冥○會○林○居○時○山○谷○杳○無○極○白○氣○分
茅○茨○松○濤○捲○天○際○蘿○薛○垂○紛○披○江○湖○收○俄○頃○魚○鳥○俱○忘○機○新○涼○沁○枕
簟○溼○翠○侵○罽○罽○野○老○庶○滿○慰○聖○人○息○畝○莫○問○門○外○路○泥○深
如○淳○靡

雨中示仲彝雲門未韵兼懷子頌
靜聽一庭雨。虛堂秋已生。翠憐新竹。紅見晚花明。比屋交簷滴。
閒門斷屐聲。池塘應有夢。不盡對林情。

附雲門味作

一雨收新暑。滿庭秋意生。坐憐芳草碧。猶見晚霞明。門外
空車輟。林間悅鳥聲。巡簷視嘉植。無異共農情。
二句真道得
鄙人意出

邱鈔

詔大理寺卿朱智仍在軍機章京上行走

十八日戊寅晨露上午後晴露埃簪蒸溽鬱煩 鬢頭 徐芬

廉升鼎來 碩卿來 作書致官夫 得王敬庭計以四月九日物

鐵縵坐雜著

於蘇州年四十六無子可哀也賦詩輓之

哭王敬庭弟

三。年。者。未。報。忽。聽。訃。音。來。久。客。悲。風。木。
聞去冬葬 無。兒。慟。夜。臺。故。人。
親始畢
多。不。壽。循。吏。竟。為。定。山。縣。儒。官。共。令。原。一。倍。哀。
令凡廣廷新
選宣平訓導

邱鈔

詔以得雨深透敬答 天庥二十三日親詣 大高殿凝和廟拈香仍命

恭親王奕訢詣社稷壇恭代行禮悖親王奕諒等分詣三壇及各寺廟

神祠龍潭致祭拈香同申報謝均先期齋宿黑龍潭毋庸開壇命鄭

親王慶奎拈香報謝 大高殿覺生寺即行撤壇所有諷經道眾僧

眾內務府照例給賞

詔直隸邯鄲縣龍神廟祈雨靈驗前經奉旨加封靈應聖井龍

神本年迎請鐵牌來京供奉 大光明殿昨日甘澍滂沱郊原霑足

深感實深若再加封靈應昭佑聖井龍神 奉旨命順天府府尹張漢卿賞送鐵牌至邯鄲

十九日巳卯晨微雨上午晴霽埃能午後大雨有雷晴漸霽晴

霽無定海暑益蒸晚又雨 得碩御書言廿四日準行即復

和雲門前夜聽雨懷子鎮詞一首 夜雨數作二更後雷電密

雨四更大雨雷隆不絕味爽雨始止

高陽臺 五月 閏五月十六夜聽雨和雲門並東子鎮

樞火添旬槐陰閏夏月圓繞下初弦蓮漏聲中無端瘦到茶烟
夜深一例滿雨祇淒涼獨自燈邊况消魂數盡流螢憶編啼鵲

隔簾花影。知誰惜。儘無言。烟裏泣。損紅娟。開說銀屏近來也。
蹙眉山。卻看湘簾。淚總無情。爭忍輕眠。晒星河。玉雁飛時還
與傳箋。

郎鈔

上諭文煜奏查明福建西路各幫擅准加給耗票情形一摺。前署福建鹽
法道陸心源於西路官商各幫領運票鹽。輒敢詳請加給耗票。三成經
李鶴年批准。現查明此項耗票于額索有礙。業經停止。填給核計。加給
年已短完。課釐銀二萬六千餘兩。陸心源擅改章程。具詳請批。李鶴年
率行批准。鹽法道盧士杰。於回任後。不能即時查出。雖據自行檢舉。詳
請停止。究屬疏忽。李鶴年。陸心源。盧士杰。著交部分別議處。

二十日庚辰初伏晨露上午漸霽午後晴酷熱 汝翼來 以

米求質銀八兩又以姬人夾段襦質京錢五十千 得子鎮小后

招飲桐仙家其辭雋麗如蘭成以唱甚辭之 付葛紗袍直錢

五十五千芙蓉紗女衫直銀四兩五錢 夜梅卿邀同雲門仲彝

子鎮小飲為子鎮賦尉遲格詞

尉遲格

子鎮招飲桐花館聽琵琶賦此調之且辭芳句

桐陰靜又悄地小扇穿花徑遲玉漏聲中消受紗窗雙影檀
槽倦抱憐撥損銀攪有誰省祇橫牀約略如人認來紅淚猶凝
多情翠鳥銜箋長辜負金尊小榼同飲月色雲香相牽惹偏愛
看銖衣嬾整從春去慊病後便強厭鴉青怕對鏡訴相思夜

雨。鏡。前。玉。鳧。孤。守。烟。冷。

二十一日辛巳晨露午晴酷暑 碩卿來辭行不略 得跋大書

言劉鶴山師於前日暮卒聞之驚痛即作復 始以瓜祭 先

得王廉生書取選詩經廣詁即復 夜與雲門庭下共飯賜

談 終夕酷熱汗流如雨 切瓜一器饋雲門雲門復以小盾極

為典雅

二十二日壬午晴酷暑如焚 以雪糕煎凝成涼花味巨糖酢并

西瓜祀 先 得跋大書 整理書案 作小札以涼花饋雲門

梅卿 作書致冒夫得復 作書致碩卿 雲門復涼花小盾

極新雋 舖時偕雲門談說部遂及郵書市劇鼓板彈詞受

行忠肆以違酷熱至二更始徹

師鈔

命太僕寺少卿周家楹宜興己未為四川正考官編修吳觀禮仁和辛未為副考

官編修潘衍燧南海乙丑為湖南正考官修撰陸潤庠元和甲戌為副考官

翰林院侍讀董毓恩鐘祥乙丑為甘肅正考官御史胡聘之天門乙丑為副考

官

二十三日癸未晴酷暑晚風散涼夜有微雨即止 上午出門

詣鑄山師家靈牀已設楔杖無期晤其婿陳主事某言師以十

八日時加戌覺體中不佳即入內眠夜中放有淡湧次日時加卯起

渡而化壽七十二嗣孫僅十歲哀哉坐次見唐副都至森入帟號慟

行禮畢

又跪柩前哭甚悲唐與師為丁未同年年亦七十餘無子故傷心

之甚然若輩交情即此可見矣詣法源寺拈香拜汝翼又詣碩卿送

行午歸付車錢四千 得跋大書還日記即復 作書致牧莊

作復族姪蓮塘書託碩卿附去即作書致碩卿得復 晚浴

夜初更即睡三更熱甚復起至庭中坐涼月出甚佳 是日賦哭

鑄少師七律兩章

哭劉鑄少師二首

兩○月○秋○官○竟○左○遷○那○堪○羸○博○慟○者○年○奉○常○虛○長○諾○卿○秩○下○杜
難○營○一○頃○田○人○識○劉○寬○真○長○若○天○教○伯○道○促○華○顛○傷○心○無○子○無

孫○語○小○築○東○堂○信○黯○然

師皆羊築素絲堂
初故故用素正相語

自慙若病荷深。知淒絕。彌留索序詩。師今春曾以詩集屬訂。厚德定臨物時。適言索序。厚德。峯。頴。文。字。重。清。名。長。見。後。人。思。柴。門。永。斷。鳴。騶。日。蕭。寺。難。忘。載酒時。從此西街花市地。醉歌扶路不勝悲。

二十四日甲申晨霽。上午微雨。午後小雨。晡晴。雲門以昨日夜坐

詩見示依韻咏之。彥清來。羊褪會來。子縝來以新咏尉

遲格詞見示。褪會邀飲藹雲家作書辭之。汝翼來。得

絃丈書索閱近製高陽臺詞。即寫一紙致之。王汝夫送來仙

辰五月坡四月間書并惠野木四兩乞撰其六十壽文。即作片復

致夫。孫鏡江來。晚姓坐庭下作字。柳絲拂几。蕉陰照簷

竹桃弄花明豔欲絕。此景不可多得也。又斲新筍二枝入饌。味極佳

夏夜靜坐和雲門

數點天街雨。微雲碧似羅山痕。分薄電樹色。轉明河。砌竹含
烟密。牆花上露多。清宵兩無寐。愁絕郢中歌。

附雲門原作

客去餘華燭。庭空散綺羅。含情獨良夜。無語望明河。
暗艸牆陰溼。流螢竹上多。鬢絲忽中歲。惆悵怕聞歌。

邸鈔

上諭都察院奏順天民人丁永富以丁得功向串御史家人陳福將伊
父丁萬福押詐斃命赴該衙門呈訴請飭部提訊等語陳福是
否御史隆光家人有無詐贓押斃情事著刑部提集人證訊辦

上諭御史劉錫金奏請釐剔教職以端士習暨歸班進士量予分發省

分及慎重學額各摺片著該部議奏

其言借是也然不釐剔學政主考而釐剔教職不慎重翰林進士之類而慎重學額是舍竊國而問竊鈞也且歸班進士特旨幸而備一朱何足惜乎

以翰林院侍講學士宗崑岡為詹事府詹事

吏部郎中劉澤遠授甘肅甘州府知府

二十五日酉晨雨已後晴露埃能晚雲合激雨

得紱丈書以所

咏高陽臺詞見昨

金忠甫來

某幼負婁未識一丁後陷賊中

數年及得出猶為懸隸給役於茶肆餅坊間有同陷賊者憐之稍

教以文字會杭州重試時以補試五六科且有恩詔加額每學額至

三百餘人而應試者不及五十人某竟得入學然實未嘗學為文也

於是居蕭山為質庫司簿記後為郵塾童子師稍學為八比又五

六年唐午開科有邛農勸之入試及得題不能分章節亦不能成

此偶遂混寫成三段主司鑄山師素不喜時墨得而異之竟中舉人

次年會試文亦先為兩小比後為三段都下傳觀無不大笑而闈中

又得而異之竟中進

士入翰林有杭人吳煦者由小晉官蘇松太道賊索鉅萬以此人既貴

且尚未娶也以女孫妻之匿資數萬金竟貴且富矣甲戌做館改

吏部主事日踵鑄山師之門乞轉言要津求 實錄館差求 陵

工差師皆為之盡力於是炫衣服飾與馬日與滿洲子弟及晉之儉

越之胥結兄弟邀酒肉姪倡賤優裸逐於市杭之要人達官以其婦

家故亦爭引重之於是意氣益高矣昨以鑄山師購藥事

孫

鏡江言當屬其料理而今日竟拒不肯任且云今年入都未嘗與
師相見此於情理實為難恕然其人面黃而薄目小而無光於相
法必無壽徵雖連得非分恐其福薄耳

再得跋丈書即復

子縝來同作夜談 是日得詩詞各一首

斲庭下新筍佐晚餐飯

屢數庭前竹。欣看雨後滋。斲來新筍脆。剛與晚餐宜。小具園林
樂。無忘灌植時。故鄉三百个。焦土不堪思。

臨江仙

夏晚讀書庭下花竹靜妍俱有塵外倚然之意

一陣簷前疎雨過。夕陽樓角晴妍。小安筆斲晚風前。柳絲低拂

几蕉影半遮簾。團扇單衫都稱意。不須紗帽間眠。靜看庭際。鷗。茶烟絲。陰中斷。處紅試晚花天。

二十六日丙戌終日晴余曠健。雲門以小居送絡緯兩籠來其文

清妙之甚報以一詩。潘德共袁夾林來談甚久。鮑致夫約

明日飲福興居作片辭之。前日羊程會約二十九日子刺海觀

荷今日小病欲靜養數日因用子鎮踏莎行影字之叶為一詞以

東諸君

雲門送絡緯兩籠勝以小文情辭清麗作一詩報之并系

小引

候先忠。蟹。產異斯。各。傳。聒。聒。之。方。言。徵。嚶。嚶。之。雅。訓。

涼。鑑。初。上。缺。月。將。升。俾。咏。苦。吟。庶。振。凡。響。清。風。將。既。
何。異。在。飛。之。蟬。雅。韻。欲。流。不。驚。夢。化。之。蝶。荻。籠。分。惠。
花。管。難。酬。

絲。緯。勞。將。送。才。多。勝。綺。辭。翕。清。如。我。樂。胎。在。記。兒。時。枕。畔。喧。
逾。靜。花。間。遠。亦。宜。悲。鳴。果。何。事。竟。夕。不。成。絲。

蹋。莎。行

羊。褌。食。孫。秀。清。約。十。刹。海。觀。祈。以。病。不。欲。往。賦。此。東。諸。君。即。用。子。鎮。若。屢。視。食。秀。清。影。字。之。叶。

曉。露。清。流。午。風。香。靜。翠。盤。低。擁。花。千。柄。柳。陰。一。帶。淺。紅。闌。日。
斜。過。畫。香。車。影。辜。卻。前。游。新。添。酒。病。畫。船。無。意。窺。妝。鏡。秋。
風。雁。菜。小。亭。西。待。看。明。月。空。潭。定。

二十七日丁亥晨晴旋霽上午晴下午暴風大雨有雷雲門

北... 卷... 越... 坐... 雜... 著

子縝俱味前日段夫挈愛雲夜語詩見酥 汝翼來 伯晚
偕子縝同車仍赴毅夫之招夜更醉歸汝翼
語甚樂子縝紫泉俱在坐三夏始撤 兩得跋丈書 雲門後
疊躡莎行影字之韵紀今夕之事再同其作

踏莎行 卽事同雲門再用影字叶

快雨新收嫩泥香潤絳河明照銅街靜小車油壁夜深來瘦鞵
痕在青苔徑 小褪蕉衫虛坐涼沁惜花人惜花同病悄攜銀
燭過紗窗畫簾微漾茶烟影

二十八日戊子醒醉暑後晚有風 鬢頭 子縝段夫來 梅卿
約游天甯寺以小疾不往復用躡莎行影字叶賦一詞東同人

始食新蓮子

踏莎行同人期飲天王寺塔射小房小極不往賦此東諸君再疊影字

小隊清游鳳城西。近古松涼合禪關。靜院深日午不逢人。畫簷
風過花間磬。相約攜尊。偏耽薄病。料應羣屐穿香徑。翠
簾剛對綠陰開。扇光輕度西山影。

郎鈔

翰林院侍讀學士許應騫為詹事府少詹事

二十九日己丑小盡晴酷熱 蔡同年正昶來 諸賢人 陳主事甫

來 鐫山師壻 俱不略 作書致牧莊問其疾并饋蓮蓬四十枚

咏伊寄來夏初集天甯寺得辰字韵詩 子鎮為雲門繪蘭

此卷星年入夏日已 下集為二集 裁縵坐雜著

八幅各題五絕一首意皆有寄今日甚暇取其中五幅各為補題
七絕一首亦別有所託也其一首云唱斷喬家碧玉詞一叢香草
最相思不堪更著銖衣舞風露先愁欲墮時為

香門之春

作也又一

首云綽約豐肌分外妍鏡中倩影不勝憐娥眉曼睩分明在孤
負琴心已十年則託興益深難為懷哀矣 得收莊書符還

古今釋疑兩帙即復 紫薇花開襯巨芭蕉明豔尤絕 夜

作書致視會辭明日十刹海之游

六月庚寅朔中伏晨及上午晴散露午晴下午有風終日酷熱

傍晚尤悶 作書致子鎮問其疾得復 得牧莊書贈藕一把

即復 彦清仲彝梅卿俱惠蓮蓬仲彝并惠荷花三柄 浴

晚雲起有風夜人定時露霑雨作初更密雨至三更後止

初二日辛卯晨露上午雨作傍晚午密雨至午後止下午晴傍晚有

風甚涼是日夜初三刻一分大暑六月中 子鎮來作夜談以紅

荷花絲薄荷盞船餽作點心 夜雨數作三更後不絕至曉瀧

瀧有聲

初三日壬辰終日密雨涼風至晚稍止 牆傾屋漏終日屏營

傍晚至聽事偕子鎮諸君談 夜涼如秋難燭讀書蕉影

此書解盡相記 蘇漫堂雜著

滿窗香篆紫繞頗得少佳趣諸君集飲聽事且招歌郎

數人轟飲方喧

予非不樂與諸君談以市脯邗酌囊燕狼籍較之香鑪茗盃映帶丹鉛自不能合此就彼也

即鈔

上諭吏部奏遵議道員處分一摺前署福建鹽法道陸心源擅改票鹽

章程徇私專擅著照部議即行革職開浙總督李鶴年著降二級

留任福建鹽法道盧士杰著罰俸二年李鶴年盧士杰所得處分

均准其撤銷

上諭劉長佑奏請將調任總兵開缺暫留雲南一摺署雲南提督調任

廣西右江鎮總兵楊玉科現在帶兵剿辦騰越廳滋事練勇未能即

赴廣西楊玉科著即開缺暫留雲南即將騰越邊務妥為辦理以期
迅速藏事

初四日癸巳晨至午霽午後晴晡後復霽夜雨

邸鈔劉玉成補授廣西右江鎮總兵

初五日甲午晴霽埃能溽暑異常

比日參閱羣書小有攷

證亦大氏對策家常耳

作書致伯寅侍郎

閱舊唐

書 得伯寅復

邸鈔劉坤一張兆棟奏特參庸劣不職知縣候補知府等官及

現任雜職各員廣東封川縣知縣劉祖慶直隸舉人署清遠縣事試用

知縣李若昌
新甯縣知縣秦廷英
四川龍川縣知縣王炳文
山東

也
丁
越縵堂雜著

均請即行革職鶴山縣知縣劉善雲書順天舉人合浦縣知縣王德溥上虞均監生

請勒令休致河源縣知縣張濟川陝西龍門縣知縣王承彥直隸惠來縣

知縣陳元珣會稽監生遂溪縣知縣白樸順天恩貢恩平縣知縣柳應喬會稽監生徐聞

縣知縣劉鴻典四川舉人長甯縣知縣孟長春漢軍貢生長樂縣知縣達材滿洲貢生均

即開缺另補廣東補用知府楊相湖南請即勒令休致飭回原籍不准

逗畱試用知府輔良請以同知降補試用運同陸慶松請即行

革職試用同知毓源請降為府經歷縣丞候選高要縣縣丞

方奎焯等二員均請勒令休致龍川縣吳隆司巡撫張光綬等三員

均請革職澄邁縣典史夏朝升等三員均請革職永不叙用勒令

各回原籍不准逗畱從之

劉坤一奏特參庸劣武職廣東水師提標中軍參將黃贊彪
等五人均請即行革職撫標中軍參將雙達等七人請分別降補
勒休 從之

鮑源深奏參劣員山西安邑縣知縣汪慶恩湖北監生等三員均請即行
革職 從之

初六日乙未晨及上午晴露不定時有零雨午後晴是日酷暑特
甚 得伯寅書并惠十金即復謝 得羊辛楮書并味予

躡莎行詞一闋

邱鈔前任刑部尚書龐鍾璐卒

鍾璐字寶生常熟人道光丁未進士第三人以閏五月六日卒於家諡文恪

詔旨褒惜照尚書例賜卹

上諭正白旗滿洲奏請將私自出京假冒撞騙之馬甲解部懲辦一摺馬甲
常存於直隸遷安縣地方冒認地畝遣抱呈控旋往拜該縣知縣交給
地冊並敢粘貼告示假充鈔差暗訪事務亟應嚴行訊究著李鴻章即
將常存迅速解交刑部嚴審按律懲辦

禮部儀制司郎中張元益

光州榮茂授廣西桂林府遺缺知府
本任桂林府知府鹿傳霖以

回避姻親調廣東知府

初七日丙申晴酷暑益熾

得紱丈書并和予肘遞枯詞見

云桐陰靜正雨後畱客開三徑曾過窈窕文窗窺見玲瓏清影
知音有幾憐百種心情問誰省白檀槽許盡纏綿袖痕紅淚
先凝 當前碧月瓊枝潛攜手空庭曲檻同飲玉骨冰肌花比

瘦纔薄病羅衫不整徘徊處搜詩款夢有一帶天河似明
鏡憶吳船抹麗叢香在涼人共煖冷其詞清綺襟幽不見用
韻之迹真老手也 上午偕仲彝子練雲門汝翼詣紫泉子從
紫泉飲廣和居下午從紫泉飲景齋堂竹簟亦來晚歸

師鈔

上諭理藩院奏遵議蒙古郡王處分一摺哲里木盟幫辦盟務賓
圖郡王西哩巴咱爾著照所擬革去幫辦哲里木盟務之任並革去
乾清門行走御前行走差使拔去三眼花翎撤銷紫韉以示嚴懲
翰林院侍講學士崇勳轉補侍讀學士以左春坊左庶子文治為
侍講學士

初八日丁酉晴酷暑 作書致紫泉得復 得伯實書以羅兩

峯畫當場出醜圖十幅索題皆院本中丑脚也即復 得竹簣

書以雅雨堂本大戴禮洪筠軒管子義證與子易抱經堂本逸周

書昨日所成議也今日先送管子義證及鈔本雅雨堂刻匡謬正俗

來即復付逸周者去 汝翼來偕子鎮諸君暢談且招鄭香來

共瓜弄 羊手搗來 朱味笙來 鬚頭 夜汝翼招飲鄭

香家偕雲門仲彝子鎮辛搗波夫同往有琴香雁僕諸郎徵歌

擷笛盡歡而散三更歸得詞一首

蕙蘭室

滿庭芳

汝翼邀同仲彝子鎮雲門程龜波夫飲

徵笛送歌子鎮雲

新月當簾微風生樹繡鞦同逐香車韓潭西去燈影記蘇家難

門各賦以解余亦和之

得蓬瀛後侶商量到銀勺紅牙偏容我坐頭白髮移近一枝花
周遮屏鏡側分飄羅袂小疊蠻韉更掩扇清歌嬌倚窗紗
笛裏分明舊恨瀟湘水不到天涯空贏得青衫老淚重與酒琵琶

初九日戌戌晴酷熱如焚 偕子鎮雲門梅柳擲采選圖

張夫挈霞笈來夜同諾君小飲復作涼花飲子二更始散是日
得詞二首

青衫溼

湘江終古傷心淚長自發紅蘭鵑聲化去鶯聲啼老零落
誰看 鈿車催至冰醺銀燭半日追歡馮唐霜鬢何處病骨

同此長安

南柯子

紅蘭當若樓行示仲彝強夫

病久香都減。愁多夢轉加。秋深寒蝶獨無家。風露簾前分
與一叢花。灑淚和盃洗。含顰借燭遮。清歌一曲換年華。何
況聽歌人亦滯天涯。

初十日己亥晴酷暑如焚

上午偕子集諸君在聽事觀弈

東箱牆壞

在同雲門坐庭中談身世之恨風月娟言

慙轉地以一詞寫之

雨霖鈴

同若庵畫感言 慙且喚奈何矣

絮聲初咽正尊前。話行下涼夕。回頭恨事如水相憐。倦旅傷心愁

說。等。是。巫。山。一。現。素。雲。散。愁。結。望。隱。約。天。上。銀。河。淺。情。灩。幾。時。
渴。瑤。華。分。是。傷。摧。折。更。難。堪。未。落。人。先。別。秋。千。院。落。何。處。
螢。火。點。晚。花。如。雪。鏡。破。珠。沈。一。掬。紅。髮。芳。訊。都。絕。祇。夢。裏。還。道。
相。思。淚。滿。羅。襟。月。

十一日庚子晨晴上午放霽有雷隱之然午後晴有風是日酷熱

尤不可當

徐蔭軒師之兄蔚軒太守

名才唐子舉人
官福甯府知府

開帛送奠分

六千

得嚴菊泉師閏月廿四日書

子練以近年所得陶

遺民農師山居詩冊見所遺民名渚字去病號林原明末諸生

入國朝隱居雲門山中此冊其手書也前有自叙一首所著尚

有文漪堂詩今其節錄手彙本尚存子練族人家此冊古近體數

予首與祁氏五公子六公子唱味甚多詩皆真率不墜山林風味其子
式玉字尚白康熙間以進士官御史

予二十日辛丑晴酷暑

彦清來

以今日山谷生日邀彦清汝翼

致夫紫泉子鎮仲彝雲門諸君小飲汝翼招鄭香子鎮招琴

芬三愛始椒紀以一詩

明日必祭劉鶴山師人率京錢十四千

今日借之仲彝以付孫鏡江

丙子六月十二日寓齋作山谷生日祀以瓜果梅糕同彦清致夫

仲彝子鎮雲門諸君作

老樹當門清蔭長茅堂三面薰風涼共為活翁作生日荷花一
丈餅中香佳客清才俱絕出相約辦香敬風節就中壓倒龜

張流卻有樊詩與陶筆至人五十身早衰奇質尤似宜州時
蘇羹玉糝劉飯晶吐嗟厨下猶能治種竹數竿已抽筍紫縮
寸餘不成筍作菹剛配西江詩味苦氣清嗜難盡薄荷煎餅
翠且醃豆飴惟盪紅冰酣雞伶擊燭互上壽此亦先生槁未廣
邸鈔

命

通政使司通政使文激

滿洲
癸亥

為江西正考官編修劉恩溥

吳橋
乙丑為

副考官光祿寺少卿潘斯濂

南海
丁未

為浙江正考官右春坊右中允

王光謙

長沙
乙丑

為副考官右春坊右贊善葉大焯

閩縣
戊辰

為湖北正考

官御史梅啟熙

南昌
癸亥

為副考官

十三日壬寅晴酷暑

上午詣鐫山師家公祭同年到者十九人午

歸 以佩表質京錢千千 得於質書送大戴禮來即復

晚坐庭下讀書比日困暑憊劣之甚往之羸臥久不能治經今日

孺自支持閱東原集十餘葉

十四日癸卯晴酷暑 視金錄示近作十刺海汎舟觀荷記

楊蓉初來孫鏡江來俱不晤 彥清去 閱桂未谷晚學集

面晚復坐花樹下閱東原集精神劣甚絕無所得

十五日甲辰晴酷暑如焚 孺連日咯血甚為息之今日扶病

孺與閒話以遣寂寞 得自夫書饋薄荷梅糕一棣即作小居

復謝 孺雲門各咏予擬壬右丞孟襄陽儲太祝古詩三首一

疏爽一名雋各極其長 晚浴 孺招飲豐樓仲彝招飲春

馥堂俱不注 比夕月甚佳昨與雲門庭中久談暗風時至相

對甚樂三愛時仲彝亦來切西瓜食之風味可念今夕風月如皆

而般甚不能談露臥少時即入內睡人生清福固有定耶

十六日己巳晴酷暑益烈 祖妾張太太生日以紫饌供饋叔弟

亦以是日生予去年為之旬設晁豚今年寔甚又恐非節孝所樂

故不復設要使九原知我心耳 得緘丈書即復 鬢頭

晚偕子鎮雲門庭中共飯 夜風作人定後大雷電震霆猛

雨至三更後少止日出旋復雨五更大雨至曉

十七日丙午晨密雨至午少止午後復雨傍晚止 雲門齋飲

天王寺塔射山房偕仲彝子鎮汝翼梅卿段夫紫泉潘伯馴

穢縵坐雜著

同往涼雨滿天烟樹皆濯出大街後望廣甯門鳳城雲靄溼翠如
 畫沿流流水滿衢兒童多聚土激之作踏瀑觀及抵寺竹樹森碧
 樓閣淨深塔兩山烟風景躡美酒半子鎮招琴芬來倚晚入城復
 從子鎮飲琴芬家二更後歸得車錢五千是日涼如煉中可夾衣

夏日雨中集天甯寺記

樊子若慶。臣丙子夏。同居京師。先戒其儔。集飲於廣甯門外之
 天甯寺。先夕猛雨。經日滌沛。炎氣滌除。涼颼通爽。巾車竟發。避
 潦而行。流水周於市廛。新綠披其衢。卷鳳城蒼藹。香深以闌。出
 郊遙。眠烟翠無際。右折而北。陂陀里許。塲流屈曲。遂得寺門。始拓
 跋之版基。經隋氏而宏構。興廢遞歷。名迹益崇。芝房星啟。而里

成林素苑。花開四時。皆錦。其後褚王為官。因頗作。了翼以圖。察
疏以方。礎廊楯周繞。於樹密列。舊為綠野堂。今日塔射山房。若尤一
寺之襟。輶勝游之輻集焉。是日以雨。道依闌索。鳥隱樹而不飛。雲攝
山而俱歛。磬風過竹。已作。採聲茶烟出。簾欲為暝色。近攬梵塔。登
壓諸天。遊彼畿。則碧合大地。山澤通其清氣。雷電走於下方。益又極
崢嶸之觀。廓曠之想矣。此文未完。續見是月之末。

十八日丁未。未正初刻六分。立炁七月節。晨露。上午後霽。晴相間。午
後多霽。終日多睡。夜偕彼夫仲彝子鎮雲門梅御從汝。

翼飲鄭香家。三更後歸。連夕強作。酬酢甚無謂也。

十九日戊申。終日晴霽。能射。晡後小雨。僑晚止。夜有雨。

柳學聖角會日言 丁集第二集

二十日己酉晨及上午晴霽相間午後晴 早起為伯寅題羅兩

峯當陽出醜圖得詞一闋意有未盡又系以絕句四首 雲門入內

裏談 得跋丈書借顧閻年誼即復 夜偕汝翼雲門仲彝

子縝諸君賜詒

賀新郎

為伯寅侍郎題當陽出醜圖中為毛延壽等丑脚十人皆元人院本中事也

展卷呼之起便迎人低着柔骨百般神似不分丹青神妙筆變
相都成非是算鬼趣直窮到此袍笏當場宜浴現柰破衫多半
壯窮子真與傲有誰記 筆頭粉墨談何易要包羅太行三峽
眼中心底莫道當前真出醜占盡人間頭地且漫問王侯隸隸衣
相逢皆此輩低笑啼暫戴猴冠耳誰竟識真羞

題羅兩峯當場出醜冊子四絕句

出塞琵琶不忍聞，妍媸誰向筆頭分。
黃金顛倒蛾眉事，且立平林是此君。

圖中第一幅為毛延壽出塞事，以下皆戲韻中丑色。

自翻臨州出入新，史家指繪逼成真。
八關十子紛：現光補三元第一人。

起滅烟雲又一時，鏡中孤影總難知。
木脚息：了為拜當場薛乞兒。

淨色筆如丑色多，稗官狡獪素公何。
可憐腹劍千秋毒，換得登場一曲歌。

二十日庚戌末伏晴

作書致牧莊問其近狀

作書致絳丈

以滿庭芳詞乞咏 作書致伯寅并昨作詩詞 作書致徐

壽衡師索還子鎮近文 子鎮邀飲景蘇堂辭之 得牧莊

復并以新補樞垣紀略寄閱 得紱丈復 得壽衡師復

雲門子鎮諸君招在飲豐樓黃昏後評車往坐惟仲彝致夫

竹簣汝翼初夏後歸

二十二日辛亥晴 早起詣鵬山師家陪弔送奠銀四兩亦暫

偕之仲彝若米蓉生同往不久歸 得伯寅書惠銀十

兩作書復謝 秀清來 再得伯寅書即復 牧莊來

鮑致夫來 得紱丈書并咏滿庭芳詞見眎即復 夜

邀秀清雲門仲彝子鎮汝翼致夫飲綺春琴香家二夏後撤

付酒資三十千下賞十千 得致夫書饋氣脯四肩即復

謝稿使二千

邸鈔

命內閣學士龔自閔

仁和

為江南正考官給事中邊寶泉

漢軍為

副考官修撰洪鈞

吳縣

為陝西正考官編修陳欽

華縣

為副考

官

二十三日壬子晨及上午晴霽輟

鬢頭

偕諸君

閒談擲采選圖

汝翼邀飲不往

得朱亮生是月十五日保

定書

偈晚坐花樹間讀書

子練招夜飲景蘇坐惟

行簾雲門汝翼仲彝予相煇後二更後歸

二十四日癸丑晴 張起詣官武門大街道左結棚設祖筵以

是日鑄山師出殯長椿寺柩車經此偕同年二十人致奠輓歌

既作悲不自勝晤張洪氏及桑叔雅龐俊卿諸君午前歸

下午詣陶然亭偕陔夫汝翼彥清雲門仲彝子鎮梅卿小集

葦光山色蒼翠接天漸有採望之美晚歸 舟車後七年 許蒼廉慶恩

來濮紫泉來俱不值 得紉丈書偕南宋雜事詩即復

夜與雲門清談

師鈔

命編修貴州副考官李玘探為雲南學政

二十五日甲寅霽數晴 房清去 為許培之慶恩題其母

鮑鑑人見青閣詩冊五律一首 作書致官夫得復 子練

招飲景辭不往

邱鈔御史張盛藻湖北拔貢選授浙江溫州府知府

二十六日乙卯發醮啟晴午後有雷 是日不快臥閱紀文勤閱微

草堂五種 張姓氏來以明人南皮李時遠騰鵬皇明詩統殘

本及獻縣戈芥舟學士清坳堂詩文集鈔本見示詩統分代繫

人卷帙頗夥坳堂詩文俱不足觀其新建街道公署記言乾隆

三十一年始命御史二人工部及步軍統領衙門司員各二人督理

街道溝洫時學士以御史膺其選物建公署於三里河西更定條

規皆見於所記也 紫泉來偕雲門共坐庭中花樹下啜茗清

也夢星解金日已 丁集第之集 越縵堂雜著

談繼以在版初更時椒

二十七日丙辰晴

傷風身熱臥閱閱微草堂五種天勤此書專

擬于令升顏黃門一流而識議名雋過之其字句間附小注原本六
書雅訓一字不苟是經生家法也

二十八日丁巳澹晴蚊霧晡後晴

作書致伯寅

作書致

夢漁 是日身熱鼻涕多欬

得伯寅復

二十九日戊午晴蚊霧

印結局送來兩月公費銀十兩八錢

作片致爽林送朱亮生書去

謝夢漁來

得錢筵仙書送

禮部議准許叔重從祀疏彙來

致夫來約初二日飲安徽館

辭之不獲請改初五日為鄭司農作生日

身熱不快且苦歎款請

汝翼按跡撰方夜服藥後睡至三更後嗽益甚 是日小盡復

酷暑

付廣義園擴義園中元措銀錢三千

聞孝后

肥以初六日自天津赴山東烟臺與夷酋威安馬等會議尚以涼事也

師鈔

上諭金順奏帶隊大員不遵節制阻撓進隊請旨懲辦一摺墨爾根城副都統吉爾洪額因患病請假所帶馬隊經金順派員接統抗不交代構言煽惑逸金順派隊迎護軍糧復敢縱兵阻撓實屬任性妄為記名副都統依勒和布驍騎校委旁領永成主謀唆鬧戕釀事端吉爾洪額依勒和布永成均即行革職交左宗棠查辦以

肅軍律

集天甯寺記尾

三想矣下

酒笑既行言笑遂洽塵拂偶擊則山花亂飛鱗鱗難投

則管葉共響雷連晚色徙倚柯陰幢彩迷離隨青靄為表裏履

聲下上衝溼霏以往來鐘杵一鳴四水四落泉石悅其竊魄風雨證

其繁心則若忘京華之居息久旅之感焉恒河沙數來者何常即論

平生亦嘗數至而堪既蕭瑟翕息烟霞聽僧房之雨聲數經廊之

香篆則知者不數人過者不數值矣失此不書後將無述臨河之叙

敢讓斯蹟是日集若汝翼彼夫仲彝子縵茶泉匡伯

予為之記



賓主共八人而

焮七月己未朔晴酷暑 早以紫綬祀龜終日樂食 得

袁爽焮書 得子煥書即復還其近著 得紱丈書即復

得致夫書即復且訂以初五日德仁寺小集祀鄭君以其地有願亭

林閣階邱兩先生祠也 得星齋丈書以吳人葉道芬所續小鷗

波館詩意十二幅屬題一詞即復 得陳訢堂師六月十七日杭州

書言已去仁和任委辦鄉試內收掌 鄭香來

郎鈔

以頭等侍衛大門上行走恩命為墨爾根城副都統

初二日庚申晨露有小雨上午大雨有震霆下午又大雨晡後霽

是日仍懣暑 在款大作

初三日辛酉晨至午晴午後散霧有風晡後雲合密雨數作是日海暑益甚得雨少涼是日寅刻

上指 慈甯宮奉冊寶加崇

兩宮皇太后徽號曰

慈安端裕康慶昭和莊敬皇太后

慈禧端佑康頤昭豫莊誠皇太后

鬢頭 得紱文書即復 付賃屋銀四兩六福工直錢十千更

夫兩月分工直十四千升兒兩千陳娘五千

是日得詞一旨 傷風初止溼淡大作

紅湯 夜雨

以前月十六日畢庸去隨二解
如人何姓南還
作痰喘嗽不可堪
飲化州橘

渡江雲

子鎮重門賦此解記十刹海之游皆記興芳華結情中為將離恨
裏未落悲採雨官誦之有烟水迷離之感因為戀味述余愁則更深矣

宮牆斜抱處。盈一水蓮葉。與天齊。幾家樓閣好隱。垂簾偏映。
絲楊隄香車滿路。怎凌波怯到湖西。頓喚取紅裙盪漿窄舫就。
烟樓依稀。笙歌小隊翠竿。銀鐘有鴛鴦。能記誰為拭盤心。
露點鉞淚都迷。箇花萼。怨汀洲。冷怕秋深。難覓紅衣。搔醉臥月明。
自占鷓鴣磯

初四日壬戌終日霽露

秀清來在近詞子餘閱見示 得孫生

子宜越中書

郵香來

子鎮邀夜宴雁僕家下午借雲門

同車往坐為汝翼波夫褪盒秀清竹簣仲彝予招林後琴香二
更後酒畢聽雁僕鼓琴兩曲三更後歸

初五日癸亥寅正二刻七分處暑七月中晨露收有日景上午露晦

小雨旋晴終日埃管蒼鬱 得絃丈書即復 得江敬所書

劉仙洲夫人來請議家事 同司諱郎中繼向古其妻徐恭人及

長子諸生嗣貽兩喪來計送奠分四千 上午詣安徽館集於

碧玲龍榭以慈仁寺無坐地設夫設席於此也設鄭君虛位偕諸

君焚香肅衣冠行禮午後飲酒晡後畢裝四山石池橋間映柳

數株紫烟縹翠紅闌曲折掩映逾妍倘晚坐山亭及磐石

上談詩嘯茗清氣彌襟曠賞久之始返是日付兩日車錢十三千

竊錢二千八百 得楊荅初書 張姓民來不值 晚電起旋

有烈風大雨隨至夜雨聲瀆歷數作 款益甚

邴鈔邴爲蠹奏久病未痊請開署缺差使

詔邴爲蠹準開兵部左侍郎署缺其原派出使大臣差使仍著

屆時前注

初六日甲子晨及上午晴款露下午多露晡後雨夜大霪雨

管輅山集中追紀舊事詩注云丁未春太宗伯某指撫王漁洋朱

竹垞查他山三家詩及吳園次長短句語疵奏請甄禁事下機庭時

余甫內直惟請將曝書亭集壽李清七言古詩一首事在禁前

照例抽燬其漁陽採柳七律及他山宮中草絕句園次詞語意均

無違礙當路頗躋其議奏上 報可攷竹垞此詩止發揮映碧

在南渡時請卹諡建文諸臣一節於 國朝絕無妨礙所謂事在

禁前若以有旨禁李清著述也乾隆四十七年五月四庫全書館
所刻銷燬抽燬書目尚不及映碧諸書故是年七月所進簡明目錄
史部載列史類記兩猶收其南北史合送一百五卷載記類猶收其南唐書合訂
二五卷至提要著成則刪去兩書矣丁未為乾隆五十二年禁令早放
故行其名氏見於心家集者亦抽燬之年

紀文勤槐西雜志云世

傳推命始于李虛中其法用年月日而不用時蓋據昌黎所作虛中
墓志也其書宋史藝文志著錄今已久佚惟永樂大典載虛中命書
三卷尚為完帙所說實兼論八字非不用時或疑為宋人所偽託莫
能明也然攷虛中墓志稱其最深於五行書以人始生之年月日所直日
辰亥干相生勝衰亦生壬相對酌推人壽夭貴賤利不利云云按天有十

二辰故一日分為十二時曰至某辰即某時也終時亦謂之日辰國語星
與日辰之位皆在北維足也詩豳彼織女終日七襄孔穎達疏從旦至暮
七辰一移因謂之七襄是日辰即時之明證楚辭吉日兮辰良王逸注
日謂甲乙辰謂寅卯辰與日分言尤為明白據此以推似所直日辰四
字當連上年月日為句後人誤屬下文為句故有不用時之說耳余撰
四庫全書總目尚沿舊說合附著於此以表余過案文勤五種雜事
涉諸怪實其攷古說理之書其中每一讀必深本原間及攷證無
不編嚴又每事必具勸懲尤為有功名教錄此一條事後人勿以小說
視之也 雜志又言永樂大典載李芳樹刺血詩云去去復去去
悽惻門前路行行重行行輾轉猶含情含情一回首見我窗前柳

柳北是高樓珠簾半上鉤昨為樓上女簾下調鸚鵡今為牆外人紅
淚沾羅巾牆外與樓上相去無十丈云何咫尺間如隔千重山悲感
兩未絕從此終天別別鶴空徘徊誰念鳴聲哀徘徊日欲晚未竟投
身返手裂湘裙祗送寄哀書可憐帛一尺字三血痕赤一字一酸吟
舊愛牽人心君如收覆水妾罪甘鞭箠不逃死君前終勝生棄捐
亦亦無別語願葬君冢土僅化斷腸花猶得生君家芳樹不著朝
代亦不詳始末其次在韓蘄王孫女詩前必是宋人其詩世無傳本纏
絲徘徊可泣鬼神予謂此詩一句一轉意兩句一轉韻其音調氣韻置之
六朝三唐亦為傑作楊升菴丹徒錄舉門外鴉兒吠知是蕭郎至一
詩以為一句一轉古人所少然彼止八句且不過男女相慨之詞以視此詩相

去何正數等耶

郎鈔副都御史童華署理兵部左侍郎

初七日巳丑晴

先君子生日召瓜果雜肴有饌點心供饋至晡畢

事

楊蓉初來

夜邀蓉初設夫紫泉子鎮仲彝雲門便飯

至之更時做

初八日雨寅晴

為潘星文題詩意畫冊得水調歌頭一闋

郎鈔

命國子監司業汪鳴鑾

錢廉

為河南正考官編修楊霽

官修撰鍾駿聲

仁和

為山東正考官編修曹緯

甘泉

為副考官編修

蕭晉蕃

長沙

為山西正考官刑部主事馮光勛

陽湖

為副考官

以前署陝西巡撫劉典為太僕寺卿

初九日丁卯晴熱 為汝翼政廉常天課定時成歲賦以閏月定四

時成歲為韻 牧莊來致夫來 殷芳庭來董金門來 作

書致伯寅 在牧莊邀飲宴賓齋初更歸

是日付於人理及反切較
錢五千五百

郎鈔

以山西河東道升太為浙江按察使 原任興奎以六月五

初十日戊辰晴 得伯寅書 得王子獻六月十七日鄞縣書

并周雪皦殘稟兩本

郎鈔山西太原府知府江人鏡升補河東兵備鹽法道內閣侍讀毓

銘授太原府道缺知府

十日己巳晴秋暑復盛 仲彝續白木舟

師鈔翰林院侍讀高申升侍講學士

十二日庚午終日霽上午教有日景海暑鬱鬱蒸下午有飛雨是日

慈安瑞祿康慶昭和莊敬皇太后四十萬壽 吳松堂送去年所請 誥命

兩軸來 作書致官夫得復 閱說文 鬢頭 紫泉來晚

避同雲門飲宴賓齋初更後歸

十三日辛未晴霽海暑鬱鬱悶不堪晚有雷黃昏大雨人定又雨

四更後大雨雷電 得官夫書即復 子縑雲門避至文昌

館觀劇竹簣招夜飲備晚偕諸君往看戲甘潔三更後做雨中

坐車歸付車錢二千

十四日壬申 妖霧散晴早晚甚涼 作書致官夫 潘星文來

以明日中元先祀屋之故主 此日紫薇夾竹桃盛開又以雜冠江西

菊數十本映帶之頗為爛漫買家秋色足娛晚陰 偕雲門喝談

夜飯 夜半後密雨至曉有聲

十五日癸酉 晨及上午雨數作午日偶見旋霧下午霽霄有零雨

先君子忌日供茶湯特牲并以紫饌祭 曾祖考妣 祖考妣 本生祖

考妣自辰至晡畢事 楊蓉初約明日午飲辭之 作書致官夫

饋以蒸鳧及梅糕 作書致潘孺初饋以果饌得復 是日甚涼

可衣縣夜月清絕偕雲門坐竹下坐語久之

十六日甲戌 霽 房清來 視盒來 為子練雲門書扇 為視

會題花窟漁笛圖

棧會遊殿桐花館倚晚赴之坐有秀清神

舞子縵雲門予招琴香夜復從從會飲豐樓林茂東入坐三更
後歸是日道海車行甚苦

月下笛 為羊棧會題花窟漁笛圖卷

流水桃花除非別有洞天深處層林略約鬢鬢青山映川路

花窟在海甯州之山水以

映石藤為最示僻
映川棧會州人也

年二落水春來長辨昨艦全家穩位祇新詞珍就眠

香○振○笛○翠○蛾○閒○譜

風○恨○合○何○許○望○天○際○汀○洲○漸○驚○鷗○鷺○驚○漁○蓑

典○在○幾○時○收○世○歸○去○臨○風○一○弄○浪○浪○曲○早○泊○醒○緋○霞○萬○樹○待○醉○掃

團○蓬○又○怕○輕○紅○墜○雨

郎○鈔

此卷...

下集...

...

緜緩坐雜著

上諭前據文格譚鍾麟先後奏報四川東鄉縣匪徒滋事首犯袁廷蛟
在逃未獲嗣據御史吳鎮奏知府易蔭芝辦理不善提督李有恒
妄殺無辜當經諭令文格查明究辦茲據巡視北城御史奎光等奏
袁廷蛟潛逃來京現經拏獲訊據供稱上年因該縣官紳苛斂難堪
李眾赴局算帳該縣遂以民變稟請剿辦李有恒殺戮無辜虜掠
婦女懇請代訴等情袁廷蛟即交刑部審訊暫行監禁其所供各
節著李瀚章文格一併確切查明據實具奏不得稍涉回護
十七日己亥終日霏霏密雨數作 得星丈書以近作獨游宗效
寺五律一首見晤即復 竹簟來 杭人汪若卿綬之自江右來
不晤 金忠甫來不見 夜有小雨是夕望月食

部鈔

上諭黎培敬奏遵查貴陽府知府揮鴻儀辦理不務諸多過釐難勝

煩劇之任揮鴻儀著即開缺送部引見

上諭劉貞璋奏請將才不稱職各員分別懲辦一摺江西武甯縣知縣姚

大元湖北正員著即革職崇仁縣知縣許北楠江蘇監生瀘谿縣知縣崔慕瀾安徽附生

星子縣知縣藍煦大興監生均著以府經歷縣丞降補吉水縣知縣彭際盛廣西拔貢

著開缺以無字簡缺酌補弋陽縣知縣譚洛勛廣西舉人著開缺遇有相當

中簡缺出的量補用

十六日丙子晨晴爽上午稍熱午後露下午小雨數作 汝翼贈

龍井茶四筒紫篆筆四枝 是日腹痛多臥 夜雨 鐵漫坐雜著

邸鈔刑部郎中余撰授貴州貴陽府遺缺知府龍口定府陳鴻會調貴陽府余撰補大定府

十九日丁丑晨雨至午稍止下午又雨是日涼甚 作書致星丈還詩意

畫冊并為子鎮雲門各以扇乞畫 子鎮各寫昨夕聽雨詞見際子

尚賦詩未就見之感發因為在坐聽雨秋日對雨兩詩以廣其意

是日買秋帽一頂付錢四十七百文 夜有微雨

秋夜聽雨示諸同志

餘月苦炎熱所盼秋風涼霖雨及時至漸覺舍氣剛枕簟怯晚
秋羅幃談新醞燈火如故我對案生清光今夕雨又作瀟瀟珠未
央參差雜蓮漏斷續涼寒發種蕉南窗下牆角多叢篁淅瀝
稍可辨簷溜微相妨不覺庭宇窄滿室聞清商坐聽遂成趣

靜○候○爐○中○香○同○居○念○我○友○疎○簾○隔○秋○房○共○聽○空○階○滴○所○惜○非○聯
林○美○人○易○遲○算○况○復○客○異○鄉○相○勸○葆○真○意○無○為○多○感○傷○讀○書
繼○日○力○喜○此○秋○夜○長

秋日對雨作

蕭○急○雨○打○簾○櫺○坐○覺○遙○天○爽○氣○通○四○壁○秋○聲○圓○薜○荔○一○庭○涼
翠○上○梧○桐○泥○騰○萬○騎○邊○關○路○露○立○千○官
無○事○日○方○休○安○坐○對○西○風
御道中獨喜閒身

二十日戊寅晴申正二刻八分白露八月節

得星丈書行畫扇二

柄即復

是午後有大聲震發牆壁皆動聞阜成門外有戰火

藥者七車相系行忽六車藥爆裂人驚皆飛道旁行者以二十三人

邊羅此厄是何辜哉

二十日已昨晴少熱

為子鎮以金沉書扇

郭筠仙侍郎來言

近日乞假三月回籍前日

召見

慰諭不許仍將有海外之行

得紱丈書贈箋紙三束即復

邱鈔前任四川總督吳棠卒

詔吳棠老成練達辦事勤能由大挑知縣游擢監司循聲卓著嗣在

漕運總督任內帶兵剿賊保衛地方歷任閩浙四川總督克盡厥職上

年冬間因病開缺調理茲聞溘逝軫惜良深著照總督例賜卹伊子蔭

生吳炳和賞給舉人一體會試用示篤念舊臣至意

賜諡勤惠

二十日庚辰終日霽密雨數作

得紱丈書

夜雨至一更時

稍止雲門 [redacted] 來小室 [redacted] 對弄出茶餅餉之二夏後

始去

郎鈔

候補三四品京堂陳蘭彬為太常寺卿

二十三日辛巳霏霧多風時有激雨傍晚西風甚勁小雨漸密

作書致紱丈為致夫乞題焦尾閣遺橐 作書致星丈為舍弟以

摺扇乞畫 作書致育夫 致夫來 彥清來 得紱丈復

鬢頭 夜風雨涼甚

二十四日壬午晴午後收雲終日有風 得星丈書及所畫扇行以秦

宜亭所續歲暮江邨小幅屬題即復 為子練書重五游龍樹寺

也... 蘇漫坐雜著

記 仲彝贈雪絹帳額一幅并屬仁和馮子因續秋林著書圖於
上予丁巳初冬謝暨山行詩有云幾時來著書于卷黃葉聲中自
閉門昨夕因寫於圖右又系以一絕云鷲嶺新幅埽螺髻黃葉青
林從尺間最好夢回茶熟候半牀書對一房山今日再乞子鎮雲門
兩君各題一詞 為星翁題江邨小幅三絕句 秀清邀夜飲宴
賓齋紫泉亦來二夏時做

郵鈔

上諭 御史樓襄普奏風聞本年考試試差人員有分帶佩文韻府進
內檢查詩題出處者請飭部明定搜檢章程等語殿廷各項考試
人員理宜各知自愛豈容懷挾書籍以圖倖進若如該御史所奏殊

屬不成事體嗣後殿廷考試若監試王大臣嚴行稽察不得視為具

文所請明定搜檢章程著毋庸議

自國治初元以來殿廷考試及命大臣擬題內出書一卷折角數葉為記擬者即數葉中擇之其詩題多

出於康熙詩醇後改用乾隆中平文瑞所進斯文精粹於是其書價賤貴或翻刻以行近年改用御選康詩而肆購是書者遂為之空去年春時價至十六金至矣則至五六金今年春至三十餘金矣坊間重接的分刻為小板會試士子多攜以入場則詩題果出是書也及翻考閱極庭有言之者乃改用佩文韻府其題為清詩美政逐年新朱子詩也通馮無知之者嗣外間知其故有翰林散士人相約分鈔韻府詩句其考差時攜之入其詩果得之也韻府例止載某人詩不載其題目故擬題者不知元遺山詩為傷亂諷宋而亦不知吳兒洲者為何所指遂陳樹洲字為韻得題者遂或押諸洲或押吳洲且有不知元好問為何人而明點出處曰詩吟元好問者一時傳以為笑詩之佳惡本不在此流連風景之句亦何必知作若之人康字該場不知題目若得請之主司乃閱文之失誤以此為去取可笑已甚而士夫作奸犯令至重為之而不顧禮風陋習即此可知

鑒善吾郡之曉人於亥翰林

其人頗謹厚

二十五日於未晴

終日券甚閱書多臥

夜為戲族書扇將託子

鎮州寄南中

得星文書即復

越縵堂雜著

為潘星齋侍郎題秦宜亭歲晚江軒小景三絕句
扁舟載鶴來。烟水不知處。遙指板橋西。當門一松樹。
茅堂對水開。風貌映清絕。爆竹一聲起。寒林落殘雪。
野曠山空裏。何人共歲寒。黃壚無老友。酒甕畫中看。

邱鈔

上諭劉長佑潘鼎新奏克復順甯騰越府廳等城一摺本年五月間雲
南騰越練軍蘇開先藉索餉為名搶掠官署占踞廳城順甯雲州
等城相繼被匪竄擾經劉長佑等督飭提督楊玉科等分剿生擒
蘇開先並先後陣斬匪首多名將順甯雲州騰越各城次第收復
並將永昌緬甯等處匪徒一律驅除辦理尚為迅速仍著督飭各軍

搜捕餘匪務絕根株母任一名漏網提督楊玉科賞給白玉般指一白玉
翎管一白玉柄小刀一大荷包一對小荷包二道員陳席珍賞加布政使銜
游擊丁槐以總兵記名並加提督銜總兵和述廷張潤均以提督記名遇缺
儘先題奏副將黃河清州以總兵記名遇缺儘先題奏莊升賞有差
命貝勒載治充崇文門正監督左都御史景廉充副監督

二十六日甲申晴 稷倉來 王信甫來 牧莊來 夜梅卿邀

同牧莊汝翼諸君小飲

郎鈔工部郎中慶錫綸授山西雁平兵備道

二十七日乙酉晴 作書致舅夫 得王廉生書贈河平三年慶荐函

石本一通即復謝 雲門招夜飲鄭香家偕汝翼同車往坐有竹質

彼夫仲彝子縵諾君擬管徵歌予招煉後琴香三更時歸

邸鈔

上諭兵部奏遵議副都統等官處分一摺阿勒楚喀副都統崇歡於己革協領烏勒喜布等挪移應行入庫祖錢及丈地放照換照收錢等情毫無覺察並違例差派筆帖式烏勒喜龍阿署理左司關防已有不合著照該部所議辦理已革委協領蘇勒通阿散放門牌議收錢文該副都統並不禁止執行畫稿實屬咎有應得崇歡著照部議降二級調用不准抵銷

上諭太僕寺卿志和奏因病請假並請另派監臨一摺本年順天鄉試監臨著改派崑岡

二十八日丙戌晴

閱定齋文集補亦杭人吳煦所刊凡續錄文八首古

今體詩破戒草二卷己亥雜詩絕句三百十五首詞一卷

無著詞集卷四十五閱懷人解詞三

十二閱影事詞六閱小庵摩詞

其詩不主格律家數筆力矯健而未免疵繁

其情至者往往有獨到語己亥雜詩則其以禮部主事乞假出都又入都

攜家歸航述其身世交游箸述及道涂游覽贈答作也詞勝於詩而自

出名雋亦復不主故常

得紱文書即復

作書復星文為子練

謝畫扇

致夫招飲霞芬家下午偕仲彝子練雲門聯步而往道

經且園聞桂花香入內游歷一過夜子練復命琴芬設飲致夫別具

看解徵笛選歌予招芷秋秋葭芷秋自壬申五月見之於秦宜亭坐

上今四年餘矣聞其閉門戒飲不赴人招今日作書與之始為一出也三

愛後散歸。是日役夫於舊書攤上購得七家詞兩冊為汪小竹金德表
蘭軒通諸家小竹詞中有詠闌干金縷曲一首頗工因借子鎮雲門咏
之又為芷秋賦詞一首 五更有小雨

金縷曲

闌干和汪小竹詞借子鎮雲門同作

庭院深處。恁低徊。輕紅一抹。把愁圍住。人影亭。嫌半掩。況隔花
叢無數。更倒映。紗窗如霧。盡曲迴廊。烟縈繞。算向畱能有多時否。
斜日影自來去。當年並倚花陰。語指身邊重。正字箇儂心緒。
回首。凝塵飛絮。迹難辨。畫裙金縷。只略有些啼痕。堪據便是敲斜。
那。忍換怕餘香。猶發。經時雨。羅袖底。斷魂路。

永遇樂

聞歌感舊

紗幌銀屏。今宵還醉花影。深處。看坐後。香縷襟。芷老。總是傷心。
侶當年。風調絲囊羽扇。問有幾人。能語祇。筵前。盈。畫燭。淚痕。為我偷。
注。一時。鶯燕。恁。爭。持。羅帶。題。福。傷。春。好。句。誰。分。而。今。白。頭。蕭。颯。難。
賣。黃金。賦。尺。餘。橫。笛。米。家。歌。裏。略。記。負。元。風。度。還。恁。問。簾。前。月。色。尚。如。
舊。石。

師鈔

以護軍參領秀吉為阿勒楚喀副都統

上諭。惇親王奏。驗放官缺。辦理不符。並請察議各摺。片據稱。城守尉缺出。
例。應。揀。員。請。旨。補。授。此。次。義。州。城。守。尉。一。缺。該。衙。門。擬。定。正。陪。是。否。向。章。
如。此。辦。理。著。總。管。內。務。府。大。臣。查。覈。成。案。明。白。回。奏。至。請。將。該。親。王。及。萬。

青藜等察議之處著係該衙門覆奏時再降諭旨

三十日覆奏廣州守尉謝自同治九年
起內惟定在陪都港內開驗放業已三次
詳由廣誌

二十九日亥昧夾雨至晨後止上午散霧午後晴 得自夫書即復

作書致彼夫 為彼夫汝翼書扇 得彼夫復 是日偶成絕

句一首 印結局送來是月公費銀十二兩 作書致牧莊

偶成

不覺詩成日已晡。閒來窗下覆殘棋。秋花滿地蕉陰綠。又為斜陽

立少時

郎鈔

上諭沈葆楨吳元炳奏特參玩視人命之廳縣請旨懲處一摺著江甯縣

事銅山縣知縣許誦宣海甯人前在銅山縣任內私棍徒鍾小玉脅姦李劉

氏不從致該氏羞怒自盡一案並不驗訊查辦署宗明縣知縣甘紹盤安徽靈生

海門廳同知俞麟年蕭山貢生於氏人龔金富在宗明縣境被毆棄水身歿一

案互相推諉日久耽延署丹徒縣知縣周作鎔於氏人孫恒春呈控

郭清郎強姦伊妻郭氏未從被毆自縊一案僅飭差查並未詣驗似此

玩視人命亟應從嚴懲辦許誦宣甘紹盤俞麟年周作鎔均著即行

革職沈葆楨另片奏許誦宣呈遞稟函內叙前贛榆縣知縣吳藻元案

並臚列署銅山縣知縣蔣志拔多款請旨辦理等語該縣意存挾制刁

風斷不可長即著沈葆楨吳元炳確切查明從嚴訊辦至該員稟內所稱

沈葆楨家丁在徐州有挾妓飲酒清事著交吳元炳查訊辦理光緒六年六月奏結許誦宣等軍功

上諭沈葆楨奏提督丁憂開缺請旨簡放一摺長江水師提督李成謀現丁

母憂該提督勞勩夙著熟悉水師情形整頓營務深資得力著改為署
任准其扶柩回籍百日孝滿後即回署任該提督當仰體朝廷委任之意毋許

毋庸開缺

因辭

三十日戊子晨微雨已後晴晚霄有雷聲夜有電

徐壽蘅招同宴

高麗使不往 致夫來同作夜談

即鈔

上諭李鴻章奏遵旨馳赴烟臺與英國使臣會辦滇案各摺片英國繙譯

官馬嘉理前在雲南騰越邊界被戕該處地方文武不能留心保護本應分別懲辦既據奏英國使臣威妥瑪以為責其既往莫若保其將來請將案內各犯寬免等語著照所請除署騰越鎮總兵蔣宗漢騰越廳同知吳啟亮

業經革職毋庸議外巴革都司李珍國及匪犯耳通四惜都等十一名應得
罪名均著加恩寬免惟馬嘉理由雲南前赴緬甸發有護照乃猝遭戕害同
行之員並被擊阻殊失朝廷和好之意嗣後各直省督撫當懷遵上年九月十一
日諭旨嚴飭所屬凡遇各國執有護照之人務須照約妥為保護如有侵凌
傷害情事概惟該省大小官吏是問各該地方官均宜講求條約以期中外相
安儻有外國官民被戕迅即查拏正究勒限辦結不得任意遷延致干咎戾
雲南邊界通商事宜俟英國派員到時即著雲貴總督雲南巡撫選派妥
幹大員前往邊界察看情形商訂章程隨時奏明辦理

村學... 卷之二

翰林院侍講學士徐致祥轉補侍讀學士侍讀歐陽保極升補侍講學士

... 翰林院侍講學士徐致祥... 侍讀歐陽保極... 升補侍講學士

八月己丑朔晨晴已後微霧晡後晴終日大風涼甚 下午出門若
拜潘星丈董金門俱晤詣官夫頓得學差恭拜汪若卿郭侍郎俱
不值詣救莊久談伯晚至福興居邀汝翼秀清致夫祺會仲彝子
縝雲門夜飲不招殊羨三更時歸付車錢十千

邱鈔

詔本年值更換學政之期除甘肅學政許應騷先期簡放雲南學政

李珉琛甫經簡放江蘇學政林天齡廣東學政吳寶恕廣西學政

歐陽保極奉天府府丞兼學政楊書香毋庸更換外工部左侍郎何廷

謙定遠授順天學政大理寺少卿楊鴻吉丹徒授安徽學政國子監祭酒

吳仁傑震澤授江西學政禮部左侍郎黃倬善化授浙江學政詹事府

詹事孫詒經庚辰授福建學政翰林院修撰梁耀樞順德授湖北學政

侍講朱道然庚辰授湖南學政侍講學士瞿鴻禨善化授河南學政右

春坊右庶子鈕玉庚大興授山東學政編修朱福基無錫授山西學政左

春坊左贊善陳翼閩縣授陝西學政編修譚宗浚南海授四川學政侍

講張登瀛博縣授貴州學政

初二日庚寅秋露多風 鬢頭 仙籙邀飲天甯寺塔射山房

午前評車往桂花路過尚為風香楊柳未零將因霜黛登書四望

西山翠映秋光朗然田園竹樹間蕭疏滿聽已有搖落意奈抵暮

始歸付車錢六十 夜有激雨

邸鈔

上諭大學士文祥靈柩於初四日起程回旗著派郡王銜貝勒載澂前往賜

奠

命郭嵩燾署理禮部左侍郎潘祖蔭兼署工部左侍郎

初三日辛卯晨及午散霽下午靄霧 是日補成昨集天甯

寺詩一首 為汝翼書扇鏤下於洒金紙作小楷字餘以試目力

仲彝招集天甯寺塔射山房是日秋陰眺望甚閒感而成詠

宮堯古寺占清秋。勝侶招邀又出游。孤塔迴風偏壓樹。遠山銜翠欲

依樓。蕭蕭落葉催人別。時子鎮汝翼將南還重門將往保陽澹澹寒花寫客愁。如此闌干

幾回倚暮鐘。烟際足向雷。

初四日壬辰晨及上午散霽午後晴 作書致殷芻庭詢試期

下年仲彝邀同雲門至文昌館觀羅刹飛叉劇晚歸

邸鈔

上諭左宗棠奏官軍攻克烏魯木齊等城大槩情形一摺左宗棠督飭西甯
道劉錦棠會同烏魯木齊都統金順於本年六月間由濟木薩西進逆首白
彥虎由紅廟子移踞古牧地糾合該處回首併力迎敵安集延亦遣頭目率
黨助戰官軍會襲黃田賊卡分途進擊踞賊敗竄緊躡追殺直抵古牧地
各將領鼓勇齊進立將南關攻破六月二十七日開礮轟城二十八日各軍踴躍
登城悍賊五六千人殄除淨盡二十九日蔡勝進剿烏魯木齊該逆紛竄遁
斬敵無數立將烏魯木齊迪化州城池克復剿辦甚為得手左宗棠規畫
調度洞中機宜金順劉錦棠奮勇均堪嘉尚所有一切詳細情形及

應行獎卹各員卽著該大臣等查明具奏仍著督飭各軍實力剿辦並
查明逆首白彥虎等下落毋任漏網以靖邊疆

初五日癸巳晨露上午露晴相間午後晴是日稍熱 紫泉來
竹筴來

初六日甲午丑初二刻十二分秋分八月中晨敷露上午晴露相間下午
霽露晚露雨 祀 曾祖考妣 祖考妣 本生祖考妣 先考妣

得四弟婦閏五月中書家事甚菲不勝息念 冒夫來 彥

清來 襪奩來 夜邀彥清襪奩汝翼仲彝子鎮雲門梅卿

潘伯循諸君小飲 夜密雨至三更後止閱嘉興沈匏廬詩 交翠

軒筆記共四卷匏廬知大名府時所著雜攷羣書多有異聞

師鈔

命工部尚書魁齡滿洲子子為順天正考官戶部左侍郎殷兆鏞吳江兵部

右侍郎夏同善和理藩院右侍郎麟書滿洲為副考官侍講學士

嵩申滿洲等十八人為同考官編修十四人浙江得三人又給事中一人工部主事一人內閣中書一人

初七日乙未晴 文昌廟陪祀 悼王行禮 付遞職名殿二千 看

禋壇作畫 子鎮邀飲 歛雲家作者辭之 作書致百夫 倚晚

坐庭下閱交翠軒筆記其第三卷攷據經史最為精密所駁鍾山札

記公羊宣六年傳無人門焉者無人閨焉者一條顧憲成言子路于貢

論管仲兩章當出齊論一條皆與予舊說合蕭山王小穀庶常筆記中言南陽中正頗輕視抱經載其說甚

備予嘗以為太過然其深探願氏反求 第四卷雜攷說部瑣文中如振岳珂程史

子才齋論魯論之說則誠不可解也

言韓蘄王克敵弓本於徽宗時知雄州和說所上制勝強遠弓亦備鳳
皇弓非本於熙寧元年李家所獻之神臂弓以駁容齋三筆揮塵三
錄之誤振玉壺清話虛多遜幼時抽得雲陽道觀廢壇上古鐵筒一詞
知今神廟籤詩五代時已有以駁養新錄據祠山事要謂起於南宋之
誤皆鑿然不苟 夜以食蟹腹痛暴下

初八日丙申晨霧上午有激雨旋晴 得收莊書饋雙鳧十蟹

即復謝受一鳧 致夫招飲景齋堂不往 牧莊來談至二鼓時

去 是日向中小并至夜始能小食

初九日丁酉晴 送子練汝翼南旋賞其僕蔣福錢六千 作書

致眉夫 得級文書饋月餅蒲桃即復謝橋使二千

柳學聖解會日記 丁集第二集

師鈔 山西巡撫鮑源深奏舊疾日增懇請開缺

鮑源深准其開缺調理以河東河道總督曾國荃為山西巡撫以閩浙

總督李鶴年為河東河道總督

上諭鮑源深奏請飭各省捐備倉穀以濟荒歉等語國家設立常平倉原

以備振濟之用第監守在官於民究有未便鮑源深擬仿照江南從前設

立豐備倉之法勸民遵辦其向有社倉者加意整頓其未立社倉者趕

緊捐儲事成報官地方官不得問其出入以杜擾索所籌尚為周妥著

各直省督撫體察情形飭屬一體辦理務使戶有益藏以備荒歉將此

通諭知之

上諭鮑源深奏請嚴禁墾粟明定考成一摺裁種墾粟例禁甚嚴乃近來

私種之風各省所在多有於民食大有妨礙地方官查禁不力視為故常
甚且有收費弛禁藉以營私者種三流弊不可勝言著各直省督撫嚴飭
所屬認真查禁僅仍積玩即行參奏並著該部明定考成出力者如何示
獎不力者如何示罰收費者如何議罪以杜弊端而裕民食將此通諭知

初十日戊戌秣社日晴風甚勁夜月色清寒三更風益厲

邸鈔

上諭文煜楊昌濬奏等辦傳教匪徒情形各一摺浙江温州府屬永嘉縣之
雙隔田地方有匪徒施鴻鼈等持齋設教捏造符籙印信設立軍師將
軍等名目聚徒謀為不軌經該管鎮道先期訪聞立將施鴻鼈並其堂潘

同士等掣獲訊明正法辦理尚為迅速在逃餘黨著文煜楊昌濬飭屬嚴
拿懲辦毋任漏網被脅良民並非甘心為匪准其繳符免罪浙江溫州鎮總
兵吳鴻源溫處道方鼎銳均交部從優議叙

十一日已疾晴暖及上午有風午後殊光甚佳

張硤民來辭行言

鶴山師家於明日遷居茶食糊粥其家具悉歸何廷謙侍郎硤民以
直言為其僕輩所怒因辭館將偕其鄉人秋試者同歸南皮此人質甚
無一技而性極介喜言忠義事擅看其先代著述及鄉邦文獻彼之不
遺餘力今日來別言此去課鄉里童子亦足餬口惟有三事未了一為其
家及鄰里之節婦無後者六人請旌尚未得旨其部費亦未交一其
先世詩文手蹟裝表未竟直亦未還一其子姻事未成意欲俟香壽歲

算至京面乞告潤而邊以失館無從寄食祇得且歸予為之愴然因
約其來居廳事東室為設三韭之餐 得江敬所書并贈七帖一章

詩雖少率而清共有蘇東家法

作書致絳文饋以蘇脯燒兔并

作書致伯寅

夜月甚佳

十二日庚子晴蘇

得伯寅書

鬢頭

官夫來

夢庭饋

蘋果秋梨月餅養脯即復謝還其養脯橋使三千

作書致伯寅

得復

作書致孺初饋蘋果月餅孺初反餅

夜月甚佳孺共

來談

十三日辛丑晴蘇

上午詣官夫久談予今年窮甚典質俱絕非百

金不能了此節責官夫為我設法得以過去知已為誰何時可忘

彥清來 近年酒邊花下從迹甚稀 偶以朋好流連十旬一出戲珠

後者鞠部之秀間亦召之計自甲戌至今左醜錄事未嘗酬以一戲

之直今日從仲彝借京錢百千為予代致此亦可感者也 今日晴

煥殊光極佳思偕一二友人出游諸寺而雲門諸君皆已早出不得佳

伴遂亦興闌獨行庭廡間快竟日而已

十四日壬寅晴 得伯寅書饋銀十兩即後謝 仲彝邀同秀

清雲門伯循至浙紹鄉祠觀劇傍晚歸 作者致百夫 再得

伯寅書饋銀十兩 三得伯寅書又饋銀六兩皆其門生東借之資也

可感之甚即後謝橋使五千 署中送妹季養廉銀十二兩五錢

夜月佳甚比夕與仲彝彥清雲門諸君賜談間為泉籌之戲

十五日癸卯晴敷霽甚蘇 致夫來 紫泉來 提龔來

得伯寅書 得子縝十二日津門書并寄贈七律一章 以節

物祀先 是日付米錢三百三十石炭錢九十六石酒倉錢六十四千四

百南倉錢五十三千四百紙錢二千八百首飾錢二千六百敷灰錢八千諸僕

姬長班卓役節賞錢七十千日用零帳錢五十千陳媪回南賞銀十兩

賃屋銀四兩此其大略也 夜偕梅卿邀彥清仲彝雲門伯循小

飲月出初有牧雲旋萬里一碧皎潔如晝誅再問作繼以聯句得

七律四章達旦始寢 郎鈔是日有翰林院侍講何如璋謝

恩 呂見如璋番馬人戊辰進士其人蹠蹠下材去年文相國等保舉

堪使外國人員列其名近日定議以郭侍郎為憲為西洋各國正使

而刑部候補郎中劉錫鴻以五品京堂候補為之副以二品頂帶直隸
候補道許齡身為東洋各國正使而如璋以編修特升額外侍講
為之副錫鴻亦廣東人已酉舉人督年同官職門曾一相往還其人
已英雅以經濟自許今與如璋俱邀特擢茲加三品頂帶齡身尚者
文洛公子也十六日新授太常寺卿陳蘭樹到京謝恩官見蘭樹亦廣東人塔子燕常改部書
捐并郎中先補錄亦以任使外國行此優擢若十七日錫鴻謝恩官見

十六日甲辰晴蘇 彥清復賦昨夕即事七律一首見贈 是夕

聖月皎尤絕獨坐庭下久之

十七日乙巳晴 先母忌日供饋至日映數事

郎鈔

上諭前據御史吳鎮奏四川東鄉匪徒滋事地方官辦理不善並請將

各州縣文應局裁撤當經諭令文格一併查奏茲據文格奏稱袁廷
蛟在東鄉聚眾搶掠提督李有恒曾出示曉諭祇令細獻首惡並未
虛加攻剿袁廷蛟輒敢率眾撲營閉寨抗拒豎旗鳴礮甘為叛逆迨
官軍攻破寨嗣該匪逃散布謠言希冀徹兵俾免既據查明李
有恒實無姦擄婦女縱勇報復及搜殺寨民等情事若毋庸置議
該定府知府易蔭芝於袁廷蛟上年圍城未加懲辦意圖解散了事此
次袁廷蛟要挾減糧由縣稟報非該府通稟請剿並無操切激變之處
惟才尺開展辦事顛預著降為通判歸部銓選署東鄉縣知縣孫定
揚因袁廷蛟勾匪入境具稟請兵係為慎重地方起見尚無不合該員
是否任聽局紳等把持浮派仍著李瀚章文格提案訊辦至各州縣

設立文應局易滋弊竇自應一律裁撤著李瀚章文格提屬案查禁不
准陽奉陰違致干咎戾袁廷蛟一犯現在刑部監禁著該部錄取供
詞即將該犯解回四川仍著李瀚章文格懷遵七月十六日諭旨秉公審
訊
戶部郎中志潤校四川綏定府知府

十八日丙午晴蘇

作書致竹簣寫單致定勇收莊毅夫致大

裨愈秀清雲門俱約明晚飲福興居為竹簣雲門戲行 子

鎮自津門寄來畫蘭絹幘四幅并題詩見贈

作片致殷夢

庭饋以燭晷一蒸懈十二教

閱江艮庭氏六書說及其孫子蘭氏

說文釋例 夜月甚佳方欲讀書而有俗客來遂敗清興自今

春以來未嘗一日靜坐舊業益荒不勝慨歎

十九日丁未晨及上午晴暖如暮春午後有風霾晡復晴晡後大
雷雨晚姓鄉人徐樹蘭秀才來下午茗拜錢筵仙久談諧

徐壽衡師不值入城訪王廉生亦不值送蓬萊周孟伯禮部悅讓

行又不值禮部丁未庶常政主事至今不遷年六十八矣以貧甚而歸

遂於經學閉門不交人事都中可矜式者惟此老耳予心儀已久竟

未一見王廉生為禮部弟子婁言禮部亦深許鄙人前日張袂民來

又言禮部厚致推挹故今日特往訪之冀其臨別贈言而從躡菲岸

遂阻良儻不勝歎悵出城茗拜楊定勇涂中雷雨驟至過傅子尊

小坐伯晚至福興居彥清已在仲彝雲門牧莊致夫竹簟定勇先

後來二愛時歸風起月清頓生寒意付車錢八千酒家庸賞四千
與雲門諸君談至四鼓始寢 巴陵杜仲丹孝廉貴塘來辭行不
值為書詩冊二幅致之孝廉年垂五十楚南之學者嘗見其詩文
數篇皆清謹有家灑人亦誠竺 終夕風不息

邱鈔

上諭楊昌濬奏杭州等屬被水被風情形一摺本年入夏以後浙江杭州等
府所屬之餘杭等縣雨水過多田廬多被淹沒並有淹斃人口台州府
屬之臨海等縣猝被颶風海潮斗漲平地水深數尺居民淹斃者不少
覽奏殊深矜憫著楊昌濬督飭委員及該地方官確切查勘妥為撫恤
毋任失所副軫念災黎至意